


第一函之五册



識大錄卷之十九

古宣逸史臣劉

振伏述



帝典

武宗毅皇帝

武宗毅皇帝諱厚照 孝宗嫡長子也生二歲立為

太子稍長英敏好騎射 孝宗大漸召大學士劉健

李東陽謝遷榻前執健手以託 孝宗崩 上以五

月壬寅即皇帝位大赦詔天下以明年為正德元年

大寇宣府命太監苗達監督軍務保國公朱暉佩征虜將軍印充總兵官右都御史史琳提軍豫往禦之六月思恩府土官岑濬作亂總督兩廣左都御史潘蕃等討平之庚申上大行皇帝尊謚廟號詔天下奉安孝肅太皇太后神主於奉慈殿八月尊皇后為太皇太后母后為皇太后以尚衣等監太監羅祥等覓神機營兵部請如即位詔書裁革諸添設監鎗分守：脩內臣戶部請裁革各倉庫監局覓事內官皆不許京師久雨九月許慶雲候周壽：寧候張

鶴齡家人買長盧兩淮引蓋十月祀熙祖庚午葬泰陵甲戌祔孝宗敬皇帝太廟十一月命太監常興司香太和山兼分守湖廣科道官奏初詔革天下守脩內官非舊額者墨未乾遣興無以示天下信不許十二月立仁壽宮十皇莊虜大入固原元年正月以太監劉瑾管五千營張永管神機營中軍并顯武營徐智管奮武馬永成覓神機營右掖王潤覓神機營中軍二司以太監牛總鎮兩廣二月以都知監左監丞能守大同以御馬左監丞彬守右衛

乙丑耕籍田天鳴地震劉健謝遷李東陽連䟽自劾
求退不許三月甲申視學以太監王宏管神機營左
掖三司景昌筦右掖三司調馬永成中軍二司孫和
神機右掖尚膳監太監崔果亡監督京倉許之戶部
左侍郎陳清監察御史朱廷聲亡如即位詔書不聽
四月五府六部臣請上勸政好學止騎射戒微行
毋淫于遊上曰善廣東盜禍玄祖等平刑科給事
中湯礼敬言陛下更始之初災異屢出旱潦蝻蝗
星變天鼓之類疊見京邑近者雷電交作雨電雜下

當六陽用事之時因氣與抗得非和佞倖用忠鯁陳
遠之應乎聞陛下宮中走馬獵射以為遊樂群臣
有所論列雖賜俞允未見克謹消弭之道伏願思
祖宗基業之大念先帝付託之重講學勸政去冗
禁濫必矜細行無忽小民左右咸選忠良起居悉內
於正則中外乂安至治可期報聞劉健亡休不許南
京兵料給事收捐十三道御崑等上䟽窮聞近日朝
體分更政出多門有不經內閣徑從中斷有雖繇議
擬旋即改易有因事建明未蒙俞允劉健親受先

帝顧命未及一年抗章求退豈無所激大臣不可不
敬惟陛下留念報聞五月以太監軻亮効勇營賢
亮神機營右哨舉鎮守江西兵部尚書劉大夏乞歸
許之以太監魏拱亮神機營中軍頭司并奮武營調
張永於三千營兼管三千哨馬營以王潤代永張思
代潤六月以太監劉雲守備南京麥秀掌南京內織
染局劉璟鎮守浙江岑章鎮守遼東梁裕鎮守福建
張永鎮守山東調神機營三司太監張英亮神機營
左掖并耀武營而以楊春代英以太監劉瑾為神机

營把總同提督十二營而以馬永成代理以賴義代
永成授孔彥繩翰林院五經博士主衛州孔子廟祀
辛酉雷夜擊西中門柱春暴風大祀殿齋宮獸瓦墜
却壇樹折劉健李東陽謝遷請禁奢靡戒玩戲罷弋
獵以弭災上曰朕將改過焉於是府部科道諸臣
皆陳言劉健摘其要者五事請省置坐隅一曰單騎
輕出宮禁二曰頻幸監局三曰泛舟海子四曰鷹犬
彈射五曰曲納內侍所獻飲食七月戶科都給事中
張文右給事中倪謙給事中劉萱薛金陳言五事詞

多觸忤其一言內臣遭改增添紛然乞減省以遵明
詔 上曰內臣鎮守故事也朕予奪因才過焉又等
其自劾文自伏粗率執奏如初 上責其不敬人罰
三月俸八月立 夏氏為皇后大學士劉健等請早
寢蚤起以勵朝政減膳徹樂以畏天示親告親祭以
共廟祀屏逐嗜好以存諒闇之禮 上曰善九月免
午講劉健諫報聞命內官監左少監崔果王瓚織造
於南京工部尚書曾鑑給事中陶諧御史邵旻等諫
止不聽果乞長蘆鹽引萬二千以行許之劉健李東

陽謝遷不肯草勅五府六部科道官皆諫戶部請予
半 上召健等曰其盡與之健等言不可退復諫乃
從之十月濬滏陽河夜以劉瑾掌司禮監事大學士
劉健李東陽謝遷皆辭位上許健遷留東陽於是天
下事一決於瑾以吏部尚書焦芳為大學士十一月
戶部尚書韓文坐失覺贖金降一級致仕戶科給事
中徐昂論抃遂并文皆削職除名十二月給事中艾
洪李紳劉荏南京給事中戴銑李光翰任惠徐蕃牧
相徐暹御史薄彥徽貢安甫葛浩史良臣李熙姚學

禮張鳴鳳陸崑蔣欽曹閔王昭道王宏蕭乾光各上
疏言上狎比佞倖輕顧命臣工大怒廷杖之除名
為民南京兵部尚書林瀚聞健遷去對客歎息應天
府尹陸珩坐傳示京師奏稟皆降三級致仕兵部主
事王守仁監叅御史陳琳先後疏求皆降邊方雜職
景皇后汪后氏薨令工部尚書兼大理卿掌寺事楊
守隨左都御史張敷致仕

二年正月己亥朔日有食之命甘肅鎮巡官採辦野
味捕取土豹於邊方詔上元節勿禁民間作樂閏正

月以故永平大長公主府第為酒醋麵局外廠添議
邊關隘口守備內官虜大入花馬池二月海寇施天
常平三月封皇親夏儒為慶陽伯造新寺於內苑
上習佛門烏因陞大慈恩寺禪師領占竹為灌頂大
國師大能仁寺禪師麻的寶嘿塔西麻抄耶卞堅
叅大隆善護國寺禪師普肖藏卞為國師皆予誥劉
瑾矯旨追論劉健等為奸黨辛未朝退跪群臣金水
橋南宣勅曰朕幼冲嗣位惟賴廷臣匡弼不逮豈意
奸臣范亨三岳徐智竊弄威福顛倒是非去歲私與

大學士劉健謝遷尚書韓文揚守隨張敷華林瀚即
中李夢陽主事王守仁王綸孫磐黃昭簡討劉瑞給
事中湯禮敬陳廷徐昂陶諧劉莖艾洪呂紳任惠李
光瀚戴銑徐蕃收相徐暹張良弼葛嵩趙士賢御史
陳琳貢安甫史良佐曹閔王弘任諾李熙王蕃葛浩
陸崑張鳴鳳陸乾元姚學禮黃昭道蔣欽薄彥徽潘
鏜王良臣趙祐何天衢徐珏楊章熊卓朱廷聲劉玉
等彼此交通穿鑿河附傷殘善類煽動浮言朕雖察
審尚務優容後事跡漸露各反側不安朕因其自陳

俯遂休致之請若自償則公言其譴責之繇令勅內
未罪者吏部其一令致仕毋使惡稔夫人臣忠敬為
本不聞以河附為榮朕不暴明何從知悉繼自今尚
精白恪共毋蹈覆轍自貽辱累四月命豫新明歲鰲
山諸燈賜寧王宸濠音樂院色長榮等四人冠帶勅
各處鎮守太監于預刑名諸政五月、食度天下僧
道四萬人寧王宸濠乞復護衛許之六月奉安 孝
宗主太廟修歷代通鑑纂要成七月罷每歲修邊後
輸資京師復開白塔河八月黃河清慶雲見異軫命

江南買果品捕禽鳥征商使致之修南海子殿宇橋
梁造豹房工自此居豹房天下事益委瑾九月錦
衣指揮同知于永善陰道秘戲上悅之以為都指
揮同知陞太監谷大用父奉張永父友俱錦衣衛指
揮使十一月贈太監丘聚馬永成魏彬父俱錦衣指
揮使與祭一壇設尼山洙泗二書院學錄各一員以
孔聞禮以翰林院五經博士主子思廟祀於鄒上
景皇后冊寶十二月虜入涼州加寧王宸濠歲祿二
千石賞其承奉長史有差賜書旌王賢遍諭諸宗室

于永矯旨索回女善西域舞者十二人以進
三年三月贈劉瑾父榮為都督同知母一品夫人鬻
武爵監生度僧道贖罪以經邊工悅樂官臧賢
請增造御樂庫房許之寧王宸濠請追獎其先王之
德上使諭於馬六月大織造繒綺於江南以備內
廷賞賜七月命樂工教樂以盛慶成之宴民間有善
眩戲者許進之京師榮王之國九月戊戌故兵部尚書
劉大夏於邊

四年正月 憲廟廢后吳氏薨二月勒故大學士劉

健謝遷為民著令餘姚人母官京師賜劉瑾地作玄
明宮益徙民墳斥之四月虜數寇大同命有司送諸
府樂工於教坊修孝宗實錄成六月樂平縣姚源
洞賊汪澄二等作亂八月陞大陰善護國寺國師普
肖藏卜為法王九月兩廣江西湖廣四川陝西多盜
虜入延綏邊十月：食十二月虜入花馬池總制尚
書才寬死之謫戍平江伯陳熊并其妻子於海南十
二月追奪劉健謝遷誥命及故所賜玉帶服色文武
官坐事為民充軍閑住者誥勅並追奪之命選精通

樂藝者八百戶於樂院
五年正月裁江西鄉試解額禁萬安新城人仕者選
除為京官籍故尚書秦絃家二月四川藍伍盜起四
川盜突入陝西轉掠湖廣四月虜寇莊浪陞大能仁
寺國師那卜堅叅禪師劄巴藏播為法王都綱那卜
領占大陰善護國師寺刺毛緯即羅竹大慈恩寺國
師乳如領占革職國師哈刺扎俱為佛子封致仕右
都督神英為涇陽伯大理寺右評事羅僑輿觀直言
下廷議莫敢是命降為教職安化王寘鐸反命涇陽

諸人錄
伯神英佩平胡將軍印克總兵官右都督史揚一清
總制陝西延寧甘涼各路軍務與御用監太監張永
出師討之師未至遊擊將軍仇鉞襲真鑄平之五月
湖廣盜劉雅華掠桂陽六月陞大隆善寺禪師星吉
班丹為國師大慈恩寺佛子乳奴領占捨刺扎俱為
法王剌麻捨列星吉佛子上自命曰大慶法王因
鑄大慶法王西大覺道圓明自在大足慧佛金印兼
給誥命鑄印曰天一惠潮賊林貴等平廣西徭賊平
七月總制軍務尚書洪鍾總兵官毛倫擒斬湖廣賊

揚清丘仁等平之虜掠臨水堡添設守備於天津三
禦盜四川流賊往來通巴廣兀袁龍閏八月太監張
永自安化還上戎衣御東長安門文武大臣候橋
東頌繫真鑄獻其俘金鼓之聲振地上置酒勞永
諸閹侍比夜劉瑾先退永密奏曰真鑄以誅劉瑾為
名致寇者瑾也因上其十七事曰瑾且反上曰負
我負我永請亟誅之諸閹皆誅瑾上自執之復繫
之菜廠降為奉御旦籍沒之得偽璽一牙牌五百扇
中置刀二及衣甲弓弩之屬上大怒付獄下廷議

誅之收其黨吏部尚書張綵及掌錦衣衛事指揮使
揚玉掌鎮撫司事指揮石文義于都察院獄黜大學
士曹元及其奸黨二十餘人皆為民凡瑾所更置予
奪者悉復之革寧王宸濠護衛以慶王名法不扶正
寘鐻反革護衛及祿米三之一九月加張永歲祿厚
賜之封仇弼咸寧伯其餘陞賞有差上曰張永奉
命出師討畔定民還奏逆瑾消變甚大賞止其身未
稱其下兵部議尚書王敞會諸臣議永救寧中外兩
建奇功其兄弟並宜封伯以稱國家報功意上曰

是乃封永兄富泰安伯永弟容定安伯復陳熊平江
伯封義子錦衣衛指揮同知朱德為永壽伯太監谷
大用兄大寬高平伯馬永成兄山平京伯魏彬弟英
鎮安伯西川流賊藍廷瑞馮本恕廖惠攻破通江城
巡撫都御史林俊等擊敗之廷瑞走惠被擒餘賊入
陝西十月陞國師羅竹班卓丹端竹為灌頂大國師
禪師領占陸竹為國師給番僧度牒三萬漢僧道士
各五千以廣番教姚源洞賊汪澄三王浩入等劫掠
樂平餘干諸縣破安仁霸州強賊劉七等詣州自首

貫其死斬逆瑾親屬傑等十五人瑾姪劉二漢逆黨張文冕揚玉等于市凌遲石文義張絲死獄中肆屍判之復劉大夏揚守隨林瀚韓文艾璞官皆致仕如故十二月重慶強賊曹弼等劫掠真州轉南川綦江等縣陷江津分巡僉事吳景拒戰死之上太皇太后及皇太后徽號以指揮使朱寧掌錦衣事都指揮僉事馬誠指揮使朱安朱福掌南鎮撫司事

六年正月藍鄙賊陷營山縣僉事王源死之二月賊汪澄三等陷安仁盜起畿甸青萊徐淮間及江西福

建令寘鐻自殺燬其屍增造豹房立僧寺禁中巡撫四川都御史林俊擊江津賊曹輔等大破之起左都御史陳金總制江西等處軍務以平賊三月霸州賊劉晨劉六齊彥明顧子美等流劫山東樂安濱州高苑城破之轉寇彰德及深冀定祁開曹等州所逼殘燬又攻掠青齊間破泰安濱州及臨淄等十餘縣江西賊入新淦萬安新喻諸縣虜入河套寇沿邊諸堡命惠安伯張偉克總兵官都御史馬中錫提督軍務都指揮朱振戴儀俱克恭將發京營軍討賊四月刑

部員外郎宿進上疏請察劉瑾餘黨之在內侍者群
小惡而譖之上怒廷杖進黜為民戶部主事王崇
慶疏抹下詔獄久之降壽康駙丞賊李龍等出象陰
破長山叅將李瑾追擊之青城勝之青城圍解賊破
維昌邑至于平度指揮張陞銘死之五月賊藍廷瑞
寇茂州知州汪鳳朝死之轉破梓潼綿魏城遂至劔
判官羅明禦之城破被害賊趨江油官軍遏焉乃返
益亭循南部去山東賊流入河南朱振擊敗之于胙
城教坊司樂臧賢以疾求退上勉留之陞為奉

鑾河南賊入湖廣破雲夢掠黃趨江西掠星子復歸
湖廣還攻河南商城轉入潁六月虜寇延綏山西賊
李華等起與劉六合劉瑾餘黨七命者多從之掠壺
關賊揚虎入山西破沁水趙城祁大谷江津賊曹輔
餘黨流入貴州石阡李崖井與賊任俸舟等陷婺川
龍泉坪焚烏江屯寨賊揚虎等復自山西十六盤山
口還破武安燬臨洺鎮掠廣平亦與劉六合復入山
東江西華林山賊陳福一等攻破瑞州府七月賊破
寒強知縣段豸死之山東賊連破濟南五縣轉攻樂

陵知縣許達敗走之賊破武安戴儀擊之從臨洺關遁去江西賊破臨江府八月命兵部侍郎陸完兼左僉都御史提督軍務調宣府延綏兩鎮兵使副總兵許泰馮禎遊擊將軍卻永領之并京營官軍徃直隸山東河南等處勦賊總制尚書洪鍾巡撫四川都御史林俊等獲賊首藍廷瑞邸本恕及其黨與陞賞有差福建賊破南豐湖廣賊破永寧轉入瑞州境江西賊破樂安賊劉六劉七等攻破大城靜海二縣大焚掠遂復入青以張常馬中錫宋振玩賊不治下之獄

九月賊攻掠濟南東昌諸屬縣連破十餘城馮禎破揚虎賊於阜城卻永破賊於寒強復與許泰破之于叅老集及薛官屯藍廷瑞邸本恕餘黨三千餘人復自陝西漢中流入寧羗沔等州縣遂及略陽扶風知縣孫墨死之癸丑月食賊揚虎等破威新河二城賊劉六等攻青兗屬邑十城皆破之廣東福建流賊三千餘人入江西永豐破樂安新淦廣東徭賊破湖廣鄱縣十月以朱寧為都督同知賊劉六等攻濟寧州不克焚漕舡千二百餘艘復寇曹州馮禎等擊勝之

虜大入大同賊破廣平虜犯甘州賊方四自貴州復入四川陷南川綦江十一月賊自宿遷渡河攻虹命御馬監太監谷大用總督軍務伏羌伯毛銳光總兵官太監張忠管神鎗統領京營軍與侍郎陸完會勦山東直隸等處賊遣大臣賑濟兩畿山東河南虜寇宣府以太平倉賞永壽伯朱德為私第以破賊功陞陸完為右都御史馮禎卻永許泰為都督僉事賊揚虎破宿遷縣十二月賊入衡山卻永追賊於維縣斬首八百級流賊自章丘奔突廣平曲周威又北奔新

河南宮東強莫轉至衡水破之賊劉三等劫掠項城商水西華等縣僭稱總督元帥相戒毋忘殺詐偽牌帖約官吏毋避黃河清自清河口至柳舖九十餘里者三日賊入歸德夏邑永城虞城賊劫蠡攻東鹿破溪
七年正月賊犯霸州京師戒嚴賊入大城知縣張汝舟迎戰死之四川賊麻六兒越百丈關以向川東副使馮傑禦之蒼溪死之巡撫四川都御史林俊復敗方四賊於江津二月河南賊劉三趙風子邢老虎等

連破州縣報日急以都察院右副都御史彭澤同咸
寧伯仇鉞提督軍務御馬監太監陸閻監督軍務司
設監太監尹生監管神鎗以破賊：掠利都指揮周
琮死之賊入萊州界指揮蔡顯死之卻永追敗賊李
隆於陳村店劉六賊於宋家莊三月賊破裕州上蔡
西平圍唐副總兵時源敗賊于陽武吏部尚書揚一
清言今鴻臚寺欽天監太醫院中書科錦衣衛鎮撫
司傳陞乞陞并營繕文思院皮作局等衙門所副大
使副使冠帶匠官文華仁智二殿御用監辦事官員

監生儒士動以千計高者或至列鄉其他較尉軍匠
不可勝計僧道錄司號稱國師真人法王佛子者出
入禁闈供饋之盛擬於王侯方今水旱相仍盜賊充
斥師疲而餉絕民困而歛煩閭閻鮮儻石之歲太倉
無數歲之儲廩糧柴薪日見難給乞大奮乾綱速賜
裁罷工命退五人餘如故以太監張雄提督官較
辦事方四賊復犯貴州劉六復焚蘄黃等州縣副總
兵劉暉追賊滕嶧大破之副總兵時源馮禎參將神
周金輔擊賊西平大勝之賊繇上蔡商水西走招集

散亡復攻鄆陵西華長葛新鄭汜水鞏園河南府三日馮禎死之江西右叅政吳廷舉等敗賊連河寨四月賊楊虎自河南入山西澤潞遼諸州殺掠以千萬計叅將王杲遇賊蒙村死之五月賊劉六劉七等敗於滕嶧奔登萊陸完率諸將破之追之於淮上劉三等自遂平趨成臯永順宣慰彭明輔等以土軍追擊破之撫州賊王珏等平吏部尚書楊一清等上言視朝聽政經筵日講帝王成規國家舊典也 陛下月不過一二朝當講輒罷而竊聞龍輿留駐豹房練兵

花苑鼓砲之聲震駭城市甚非所以示中外訓來世顧自今戒無度之戲以保心體之和遠不縊之所以重社稷之身上曰朕和河南賊趨徐州渡河副總兵劉暉等敗賊於寇妖賊趙景隆起河南巡視侍郎叢簡使人擊斬之閏五月賊揚寡婦掠濰縣事許達擊敗之獲賊首方四磔於市咸寧伯仇鉞等擊賊光山大破之以御馬監太監張銳提督東廠副總兵時源追擊趙鉞賈勉兒劉三張永兒朱諒盡獲之河南賊悉平賊劉七等入湖廣勅彭澤仇鉞往勦之勅

陸完陸閻兼提督河南軍務率所部兵以殄殘賊六月方四餘黨奔寧羗遂犯沔賊劉七等自黃州下九江經安慶太平儀真以達鎮江所過殘掠黑青見京師七月丁卯月食大帽山賊張時旺何積欽等平江西按察副使周憲討賊華林寨敗績死之山東殘賊復嘯聚劫掠州縣八月賊劉七等踰南京抵瓜州殺傷官軍監察御史周廣請罷朱寧逐番僧降為副丞戶部主事曹琥疏拔亦滿之賊劉七齊彥明自大江下孟瀆陸完追至鎮江與諸將盡殲之狼山九月江

西華林山賊羅光權等平以賊平加谷大用陸閻歲祿蔭世襲錦衣指揮使進封仇鉞咸寧侯陞陸完左都御史彭澤右都御史皆加太子少保蔭世襲百戶其餘蔭叙有差賜義子百二十七人國姓則永壽伯朱德都督朱寧朱安為之首其次朱國朱福朱剛皆至都督最下鎮撫旗舍列籍錦衣騰驤諸衛蓋皆中官廝養市井禁黠偶悅上心遂蒙收賜亦有自亡虜得幸於上者賊廖麻子陷銅梁榮昌磔反賊趙鏖等三十七人上命剝為魁者六人皮以為鞍鞞

騎乘之十月工部言豹房成造迄今五年為費不貲
茲復增益二百餘間國乏民貧仰望聖明或罷或減
不聽上曰盜賊勦平錦衣捕緝有功朱寧朱安朱
謙朱剛朱國其昏蔭為世襲錦衣衛指揮使故有傳
奉恩陞者累功加叙烏十一月詔給終養御史陳茂
烈月米三石兌調京營宣府官軍令以春秋番換如
班操例大慈恩寺法王仁修造僧房許之十二月賊
廖麻子攻破綿竹至金堂諸縣指揮殷輔死之山西
妖賊李五平

八年正月江西賊王浩八聽撫復叛以右副都御史
俞諫提督江西軍務代陳金討之命署都督同知許
恭管操敢勇營都指揮僉事江彬管操神威營武平
伯陳燾管操五軍營左掖指揮以下不用命者得以
軍法從事二月賊廖麻子降太監谷大用陸閻以監
督賊平請視仇鉞安化例使其弟姪得累功承蔭下
兵部議累功非例也平賊諸將若劉暉卻永時源神
周等驅馳戰陣萬死一生議功不過都督等官而已
始懸賞格封拜如安化也謂如仇鉞獨出奇謀削平

潛亂者也今群賊殄滅非一人功累功承蔭居諸將
右無以服諸將上不許令再議兵部請視朱寧例
加陞至右都督毋令過諸將尺不許命廷議群臣請
如兵部後請若有餘功別蔭弟姪一人上曰門庭
克寇累功征不捷二臣相繼削平之其封谷大用弟
大亮為永清伯陸闇弟永為鎮平伯賊王浩八等劫
弋陽上饒等州縣命仇鉞領操團營官軍以許泰副
之三月虜攻朔州圍馬邑改太平倉為鎮國府以居
宣府軍工部奏置府更倉非舊也且其位屬乾方乾

天門也上曰天門宜闕其如旨以賊廖麻子降復
叛逮四川巡撫都御史高崇熙治之四川軍餘范藻
作亂四月王浩八屯開化掠婺源休寧諸縣大役軍
士為番僧修大慈恩寺鬻爵贖罪以充費遊擊將軍
閻勳擊敗廖麻子斬之五月御史賀泰諫賜義子姓
外調之虜大入大同轉趨朔州馬邑頃之復入大同
命仇鉞充總兵官往禦之六月河決黃陵岡虜入鴈
門掠五臺繁峙崞忻等處總督軍務都御史俞諫等
大破賊王浩八於賁溪橋擒之七月廣西盜李天寶

等作亂巡撫都御史林廷選等討平之九月發太僕寺馬價銀萬兩於鎮國府買補馬匹姚源賊胡浩三等撫復叛俞諫等會勦平之上悅江彬賜之國姓并及領宣府軍者裨將六人十月虜入寧夏以太監宋輔分守建昌行都司大慈恩寺灌頂大國師也舍窩死命造塔葬之工部及工科給事中執奏曰非故事上曰著為令虜掠遼東開原東鄉賊艾茹七撫復叛俞諫討擒之新淦賊張元三等作亂十一月賜大慶法王領占班丹番行童度牒聽其收度自便十

二月追贈劉基太師與學士承旨宋濂國子祭酒宋訥並賜謚

九年正月詔所在有司存恤致仕庶吏不能自給者戊辰設慶成宴炬而後蒞位土官岑濬餘黨覃恩復叛寧王宸濂獻異燈先是元夕歲張燈費數萬計至是上以寧王獻召工入張乾清宮燈著柱壁如畫以擅幕承簷貯火樹為火不戒延燒乾清坤寧二宮上見大燄悅之戲語曰燒棚大學士揚廷和梁儲費宏以宮災自劾請上親廟祭誠慈養勤學修政受

善任賢革禁中市肆以肅內令出西僧罷皇店停止
工作以減免織造還免調邊兵以謹外防工曰其
令皇店戢下毋擾工作織造所司量緩急條奏戶科
給事中呂經言乾清宮陛下正寢祖宗意欲萬
世聖子神孫法天行清海內也陛下舍正宮而處
豹房忽儲貳而蓄義子疎儒臣而昵番僧棄文德而
寵邊帥忽朝政而開酒店信童豎而事遊佚天心赫
怒顯示譴告臣望陛下乘此震驚大明悔悟講求
消復之道討論利病之源下所司戶科給事中石天

柱言先帝御宇十有八年清心守令法始終不渝
陛下所親見今廟祭率多遣代兩宮乘輿罕至前星
未耀儲嗣久虛朝儀濶絕君臣睽隔而外列皇店內
張酒館寵信番僧從其鬼教招集邊軍同其服色或
容結為弟弟或縱禁中乘馬燕飲無復尊卑飲食不
計冷暖數離深宮驅馳于外下營過隊日常不輟有
時府衛之臣不知所在甚非所以為宗社生靈長久
計也變不虛兆陛下宜急還宮思愆改往不報其
餘廷臣言者皆不報監察御史劉天和王廷相坐忤

鎮守太監廖堂皆降為縣丞二月賊首王浩八艾茹
七等伏誅庚子 上夜微行至教坊司觀樂星廟永
平諸府大旱饑令所在發倉庫賑之四川賊喻思俸
等平三月臨川賊陳玖譚懿昌等為寇姚源賊梅憲
三等復叛都御史俞諫等皆發兵擊斬之立曾子廟
於嘉祥四月旱五月寧王宸濠復請復護衛屯田許
之科道官諫不聽大學士費宏阻之左右讚於上
上責宏兄弟群從胡為茲處清華者宏辭立許之從
弟編修象亦附批致仕六月江西大池賊張元二等

平貴州賊鄧先等平虜入西海子工部主事韓邦靖
言諸臣頃因災變極陳闕失未見聽納前後以言獲
罪者未蒙召用乞開廷攬採擇之門以收人心下錦
衣獄黜為民詔自今言事黜謫者毋叙七月虜大寇
大同懷安等處命太監張永總制軍務都督白玉掛
印充總兵官倫禦之使撫寧侯麒守紫荆寧晉伯岳
守古北口崇信伯柱守居庸保定侯永福守倒馬指
揮使寬守黃花指揮同知英守龍泉贈司禮監太監
張淮廖鑾父為錦衣都指揮使其母皆為夫人予祭

癸八月辛卯朔日有食之虜寇白羊口及浮圖峪連營數十里復入寧武關忻定襄寧化殺守備指揮陳經死軍民死者相枕藉上設東西兩官廳禁中視團營練兵焉以太監張忠領東邊將許泰領西復設勇士營領以神周劉暉皆賜國姓為義子四鎮兵號外四家復使江彬兼統之上自領中官善騎射者為一營曰中軍江彬數為上言邊樂上太造刀銃甲箭將遊幸焉九月虜五萬餘騎劫掠萬全右衛路淮安起蔚州等處三萬騎入平虜城南都御史叢蘭

總兵官白玉詐使餉於盼投毒烏伏而待之伏發虜中毒多死者上為擅官以齋門廡帷幕至于溷痛畢具陝人造之一年乃成贈御馬監太監于經父為錦衣衛都指揮使母為夫人經以開設皇店得幸自糜百萬治塚造香山碧云二寺極宏壯上數臨幸之賜祠額護功賴勅命鎮國府叅將宗斌揚玉京營叅將左欽湛臣各領官軍三千餘斌玉上班則赴京操備下班則回鎮聽調欽臣上班則赴宣府禦備下班則交兌回京俱以遊擊將軍體統行事授太監張

雄久右都督母贈一品夫人 上入虎園虎傷馬編
修王思諫降為駙丞十月刑部主事李中言曩者遂
瑾竊權勢煽薰灼 陛下 一悟必誅無赦天下皆謂
陛下有克舜湯武之資太平立可致也夫何大權未
收諸位未建義子未革小人日進君子日退士氣日
糜言路日閉名器日輕賄賂日行紀綱日弛風俗日
壞民財日殫軍政日弊奸逆既除善治未舉者良以
陛下之心惑於異端也夫以禁闈之嚴雜居邦道護
國佛寺建於西華門內延住番僧與親居處異言日

沃忠言日遠用舍顛倒政務乖廢豈不宜哉我 憲
宗偶感妖僧繼晚隨悟其誣即加斥譴 孝宗即位
重之誅戮人心痛快伏惟 陛下追法 憲孝博選
儒臣講求平治則天下之政次第舉矣疏入不報者
累日尋降為通衛駙丞吏科給事中張原直言時事
降新添駙丞十一月命鎮國府春秋兩班及宣府備
禦并新選團營勇士四衛軍皆於西官廳聽操使朱
泰朱彬提調之十二月建乾清坤寧宮
十年正月己丑將大祀群臣待誓戒申刻乃免朝戊

辰祀南郊己巳二鼓還京師訛言選女後宮民間女
皆不如禮而嫁人二月保安寺大德法王綽吉我些
兒為其徒領占綽節兒綽供劄失請得為正副使還
居烏思藏比大乘法王例入貢并給與國師誥命得
入番發設廣茶下禮部尚書劉春議不可全覆議春
執奏詔與誥命罷設茶勅是時上習番經被番僧
服綽吉我些兒輩出入豹房參廁權貂及領占綽節
兒等歸輜重相屬傳郵煩費烏三月主事戴冠言朝
政三事降為駙丞四月江西副使胡世寧上書言請

防寧：王奏世寧為妖言命錦衣捕治世寧間道日
詣遂下鎮撫獄論戍邊閏四月虜寇延綏寧夏五月
令廣東市舶太監曹宏採奇香土物以進六月朵顏
夷分道內侵以都指揮同知挂勇克副總兵禦之庚
午月食既上微行西安門外越宿歸七月巡撫江
西都御史俞諫討醴源賊徐九齡等平之虜入延綏
監察御史高公韶論劾兵部尚書王瓊：奏辦有旨
令公韶首實八月虜大入固原九月虜寇隴州亦卜
剌復寇岷岷命太監張永谷大用總管神機并提督

十二團營張忠監督團營十一月嬖倖言西域胡僧有知三生者西人謂之活佛上使太監劉允往迎率指揮千百戶百餘人甲士十人以珠琲為幡幢黃金為七供賜洪王金印袈裟及其徒饋錫鉅萬計勅以十年往還得便宜處置錢物益發官軍護送之十二月癸丑朔日有食之戊辰月食虜入渾源應州馬邑威遠山陰等處旨賜都督朱寧及妻并三代誥十一年正月監察御史程啟充言自古聖帝明王勤場匪懈所以畏天命收人心勵臣工威夷狄也正旦

令節文武百官吏蠻之使待漏入賀迄酉而後禮成迨散朝則夜久矣臣工捋腹奔命前仆後踵蹂躪爭歸有將軍趙朗竟死禁門其他小臣失簪笏毀冠裳至以得生相慶午門左右吏覓其官子呼其父僕求其主喧如市衢玩莫甚焉今郊祀在迓駕出有期伏望屏棄宴遊益崇敬畏以肅臣民觀瞻不報虜寇龍門等衛復寇高臺雲州二堡二月令居庸關擒致生虎豹御史屠僑言居庸關東北陵寢地諸兵以守關為重不宜使擒生不報亦卜刺殘虜復寇西海虜入

清河堡三月都督僉事馬昂之妹美已適人有身矣
江彬已聞上召之昂妹善騎射解胡樂達語上
嬖焉以昂為古都督賜第太平倉東烏氏一門無大
小皆賜蟒衣宦者呼昂舅科道官言昂驕淫廢將不
繇迨薦旨從中下合朝感駭昂兄弟子姪出入禁闈
陛下降等削尊與共坐起睥睨薰灼外人眙畏陛
下移于尤物畜此禍水不常李園其將復見昔王氏
封候黃霧四塞昂拜官之日異亦若男戎曰幸女戎
曰嬖馬昂女弟殆女戎也皆不報其後上從數騎

過昂飲酒酣召昂妾昂不應上怒起昂妹乃踈大
學士梁儲請擇藩屬之賢者召入京師以備儲選不
報四月五月河南大饑賑之收自宮男子三千四百
餘人充海戶人月予斗米六月命尚衣監太監智大
織造於蘇杭七月出胡世寧調戍之虜突入白羊口
邊報急命左都督劉暉仍充總兵官太監張忠監督
軍務叅將挂勇賈鑑各領官軍禦之八月大閱取太
僕戰馬二萬虜寇宣府及清河釀場地方九月虜犯
龍門所上猶縣盜謝知山起虜遁十月御史徐文華

論太廟禮下詔獄黜為民鎮守浙江太監堂春僉事
韓邦奇沮格上供詔逮訊錦衣獄既至黜為民十一
月給事中徐之鑾言逆者都民爭言京師西角頭新
設花酒店房或云車駕將幸其間或云朝廷實收其
利陛下主天地民物富四海何至競錐刀倡優之
館請亟罷之不報湖廣賊賀璋等平以修理象房畢
工賞左都督朱寧工部尚書李燧侍郎俞琳劉永白
金紵絲有差旗較匠役與陞賞者四十餘人內旨以
劉體李浩為禮部尚書張昱為鴻臚寺卿魏境為鴻

臚寺左少卿降吏科都給事中呂經禮科都給事中
潘埏一級補外科道官言今者用舍違宜爵賞太濫
貪汚竊位奔競肆行尚書以傳奉而驟得卿相以乞
憐而苟安銓曹失職甚矣功次冒濫邊備廢弛黨逆
者得襲官失機者得倖免推舉悉繇風旨是非不恤
人言本兵廢墮極矣經埏二臣經給事吏兵不敢瘞
官上負陛下所以恭駁論列屢爭可否兵部尚書
王瓊忌埏執駁太甚假手內降連坐及經陛下不察
而隳其計臣恐從此軟熟成風廉耻道喪耳目之司

壅蔽敢言之氣摧折也伏望收回成命召使復職不
報遣太監燒造瓷器於饒州十二月丁未朔上視郊
祀牲車駕暮出夜入邊軍馳騎擁門扈從諸臣多蹂
踐者命左都督劉暉克總兵官都督僉事傅愷張椿
克左右叅將操練團營東官廳軍復命暉選遼東精
兵三千一百三十人以叅將一人統之榆林遊擊將
軍抗雄克叅將選補所部軍如遼東數團操聽調
十二年正月丁丑朔晡鳴鼓漏下十刻乃朝：散百
官吏卒相失譟沸有踐死者戊寅召內閣府部大臣

及科道官左順門召甚急曰己丑郊既將啟南海子
皆諫己丑郊敵南海文武大臣追從駕方縱獵門閉
立而待既晡使歸候承天門漏下十刻駕還宮庚寅
御奉天殿群臣行慶成禮既夜宴辛巳賜所獵獸於
諸大臣及五品以下二月織造袍服於陝西虜入開
原鎮夷堡叅將孫崇太監王秋等禦之追至創忽兒
河斬首八十六級三月癸巳賜舒芬等進士及第出
身有差先是上騎至東西華門闔者伏馬首諫回
轡屢矣是日從數人出北安行東市比夜乃歸傳制

四月六科都給事中石天柱等言近毀積慶鳴玉二坊民居有言欲造皇店酒館有言欲營義子府第有言欲開設教場者老稚轉徙哀號垂涕夫開設皇店數年於此高賈苦科索閭閻艱貿易朝廷得利甚微而下同壟斷不罷即已復增設之則非恩也熟非陛下臣子從何有所謂義者高門壘廬居此嬖佞則非體也教場故宜城外在禁中者演習中官而已造鎮國府內操邊軍已謬誤矣更展拓之則非制也夫二坊之民近在西安門外也陛下於荒州遐部一

聞窮苦尚降綸音紓厥愁困何至今肘腋下若禽獸驚駭毋所迴避伏賜停罷不報六月己卯日有食之賜張洪國姓七月上幸南海子馳一騎而已從近嬖數人部院臺諫諸臣詣跪海子門請還蹕上使慰之示還期至期不至諸臣洵欲再往諸大臣有言古者天子四時巡狩南海子塔序耳洵者徒搖人心諸臣乃止八月甲辰朔上微服出德勝門幸昌平欲出居庸關御史張欽兵而立關門以攔駕三抗章己巳大學士梁儲蔣寬毛紀追請還蹕於

沙河不納丙午儲及諸臣復請不報己酉上不得
 出閔乃往東馬房轉通州循南海子返丙辰上還
 豹房戊辰上夜視朝庚申梁儲等請擇宗室中親
 而賢者一人使司香內殿以預儲丙寅上復夜出
 德勝門趨居庸辛未上度居庸門曰始張御史閉
 關吾今亦來此遂幸宣府令谷大用禁閔癸酉梁儲
 請還蹕不報九月甲戌朔上駐宣府江彬營鎮國
 府第以居上群臣上疏不報壬辰上駐蹕陽和
 城自號總督軍務威武大將軍總兵官丁酉萬壽聖

節群臣朝服遙賀戊戌虜屯五萬餘騎于玉林將入
 寇命總兵官王勛副總兵張輓朱鑾叅將抗雄等各
 帥所部軍大同平虜陽和等處以待之庚子獵陽和
 大雨雹士有死者以百萬金勞軍夜星隕辛丑幸大
 同虜分道南下十月癸卯朔上駐順聖川甲辰勛
 遇虜繡女村督兵步戰虜南循應州去己勛輓遇
 虜應州城北戰數十合薄暮虜傍東山進圍勛比曉
 大霧乃解丙午勛等遇虜澗子村大戰諸將兵皆至
 虜以別騎迎敵不得合上率太監張永魏彬張忠

都督朱彬等兵來援衆殊死戰虜稍卻軍乃合即壘其處止乘輿丁未虜來攻壘上督諸將戰辰及酉百餘合乃退戊申引而西上與諸將追擊之至平虜朔諸邊會大風霧晝晦乃還辛亥虜犯暖泉溝泥河兒上率兵駐老王溝虜退還驛大同左衛己虜復入玉林城西上復分軍諸將軍按伏待十一月癸酉朔上駐蹕大同戊子還至宣府辛丑冬至群臣朝虛朝班行亂十二月諸大臣請駕居庸關有禁乃還閏十二月丁亥上迎春宣府以大車數十

使僧與女共載女執毬車驅之教擊僧首相觸或墮上大樂爲大學士揚廷和服闋還朝與蔣寬請駕於居庸上止之

十三年正月庚子朔群臣朝不賀賜鎮守浙江太監王堂生祠額并護勅京畿饑多盜命賑饑上將還京使中官預言上意於群臣所以迎駕禮賜群臣衣若馬爲御幄迎駕所賜衣一品斗牛二品蟒三品飛魚四品及翰林學士至侍讀皆麒麟五品堂官六科長皆獅翰林史官給事中郎中員外皆彪獨御史

勇群臣鳩私金具羊酒金綵帛綵帳數十綵聯千數
帳聯皆縷金文：稱威武大將軍百官列次不稱臣
已駕次懷柔丙午大雨雪夜良久上擁邊騎戎
衣裏赤劍而騎炬光煜：浴鐵問群臣服曳撒大帽
衣所賜衣繫鸞帶叩頭迎道左既至幄上下騎坐
群臣手進紅梵夾陳羊酒白金綵帛揚廷和奉觴梁
儲注蔣寬奉果毛紀奉金花上接飲曰朕手斬虜
首一於榆河皆叩頭賀遂起馳入宿豹房庚戌祀南
郊復如南海子觀獵辛丑夜二鼓駕還壬子御奉天

殿群臣行慶成禮夜分宴庚申陳鹵獲噐械諸物奉
天門下令群臣縱觀之賜銀牌于百官如所進賀數
皆飾以五采大臣縷曰慶功賈朱組庶僚曰賞功賈
青組翰林官不賀亦不賜是日申刻上單騎出德
勝門復如宣府從者四人餘以次追去揚廷和與群
臣諫不從二月己卯太皇后崩壬午上至自宣
府乃發喪上曰大行皇后山陵開隧道朕輕騎
往視且徧祭于諸陵群臣諫非故事陛下其將幸
宣府給事中石天柱刺血書疏以止上行皆不納三

月庚子上 大行太皇太后尊謚勒致仕左都御史
彭澤為民逮治 甘肅巡撫都御史李昆兵備副使陳
九疇調給事中石天柱王壙於外任戊辰 上如昌
平四月己巳朔祭六陵遂幸密雲密雲民訛言欲括
女子歛財物進奉皆驚疑避匿哭泣相聞永平知府
毛思義出教今大喪未舉車駕必不遠遊我民其曠
心奠業毋信奸徒滿譟造言敢稱駕至擾民者太守
捕治之或奏其言 上怒執繫錦衣獄已降為邊遠
知州乙亥風霾晝翳日色白暈無光乙未 上幸喜

峰閨過灤河見溪流沙迴意有寶物命取之得異珠
焉五月己亥朔日有食之 上幸銀山薊遵化駐蹕
大喜峰口駕出口外至于溜津獵於古北魚於灤澈
庚戌打魚于偏涼汀乘舟至北釋院口手打捕辛亥
觀海于泊河觀魚于佛位山致朵顏三衛夷納質宴
勞戍申上還京賜西域番僧食茶八萬九千餘斤人
許帶六千斤下番不為例六月庚辰奠 孝貞純皇
后虜入寧夏 上復議北巡大學士楊廷和等諫不
聽又欲以江彬為威武副將軍扈征以行諭內閣曰

總督軍務威武大將軍總兵官朱壽統率六軍至于
遼東宣府大同延綏陝西寧夏甘肅隨布人馬或守
或攻內地河南山東西南北直隸儻有小寇亦便往
翦削期于殄殺腥膻靖安民物其即書勅付之遂召
諭內閣及大臣科道官於左順門皆伏門下泣諫不
納時大學士楊廷和稱疾不出上促梁儲毛紀草
勅儲奏不敢者再上大怒詰責儲手劔將殺之良
久罷上使御史差次應州功凡五萬六千四百餘人
下兵部尚書王瓊議當陞賞者九千五百有奇上

曰朕親臨戰率少擊多振威全捷非若承命專閫者
其如御史所差次六科十三道言是役也斬虜首十
六級我軍死者十二人重傷五百餘人其間未出國
門冒者不可濫與上不納於是加太監張永魏彬
張忠等歲祿陞右都督朱彬三級各廕錦衣千戶一
人其餘總兵巡撫以下及官旗軍各陞賞有差又徧
叙諸大璫嬖幸及內閣兵部功各廕錦衣世襲及庶
僚皆有賜與群臣諫不省上曰朕念虜警特行邊
其令兵部給兵馬戶部治器械各遣侍郎一人率司

屬二人從朕丙午侵晨發群臣知而送者五十餘人
乃使揚廷和君守丁未上度居庸復禁閔遂歷懷來
保安諸城堡復駐蹕宣府巡撫都御史王守仁討岑
泃二賊悉平之八月太監張忠管皇莊於武清群小
肆天津兵備副使胡文璧執治之逮繫詔獄降為雜
職乙酉上自萬全右衛懷安天城陽和至大同駐
蹕焉九月大同鎮守太監馬錫以總兵葉椿第為獻
遂改為總兵府庚子上至偏頭關索女樂於晉府
劉良女善謳上悅而嬖之左右觸上怒者陰求

良女輒一笑罷於是近貴多掠良家子女莫上悅
後車數十日有死者上曰總督軍務威武大將軍
總兵官朱壽統領六師掃除邊患累建奇功特加封
鎮國公支祿米五千石吏部其如勅因封右都督朱
彬為平虜伯左都督朱泰為安邊伯各食祿米千石
予世復陞廕太監魏彬等弟姪一十五人朱寧六歲
子永安為都督錫蟒衣玉帶皆以應州功十月戊辰
上渡黃河己卯駐蹕榆林月食十一月上下做邊
帥體遣夜不收持火牌調西官廳勇士四衛二營馬

隊官軍勇士六千人馬六千匹赴宣大按伏壬子
上至綏德州幸總兵戴欽第納欽女十二月戊寅
上自榆林歷米脂綏德渡河幸石州文水諸州驟戊
子駐蹕太原燹燹破高慶符二縣
十四年正月戊戌上發太原壬子至宣府皆腰弓
劍乘馬風雪中三改郊二月壬申還京師群臣迎駕
如前歲禮上閱首虜器仗於外教場暮乃入賜群
臣銀牌花紅有差皆辭不允造鎮國公牙牌誥券群
臣諫甲戌將郊誓戒群臣以夜不能待傳制而退乙

亥夕乃使群臣齋丙子上從騎百餘人乘馬入郊
壇丁丑郊遂獵南海子是日地震風霾戊寅上夜
還風霾止大學士楊廷和繳還居守勅上曰其留
朕尚不時巡狩焉群臣皆諫悉留中尋有旨總督軍
務威武大將軍總兵官鎮國公朱壽其加太師令往
南北兩直隸山東秦安州等處尊奉聖像供獻香帛
以為民祈福工部急修黃船馬快待群臣皆諫三月
以管家將千把總朱勇等四十七人俱填註錦衣衛
帶俸舍餘朱郭剛等千一百人各充御馬監家將勇

士食糧領馬騎操家將之名自此始太監馬永成死賜祭奠建享堂碑亭若齋糧麻布太監亨為其門下乞陞授皆計之凡九十餘人丙午六科給事中十三道御史諫南巡不報皆伏闕俟命辰至酉上恚甚使宣諭乃退丁未月望鴻臚寺請陞殿視朝上曰朕病氣不能朝矣己酉群臣詣左順門問安是時寧王宸濠久蓄異誅有言伺上南幸以輕舟伏甲迎駕將為亂而工行意決群臣憂懼不知所出癸丑兵部郎中黃華員外郎陸震上疏極諫不報於是吏部

員外郎中夏良勝禮部主事萬潮太常博士陳九川翰林院修撰舒芬編修崔桐庶吉士江暉王廷陳汪應軫馬汝翼曹嘉復繼之明日兵部郎中孫鳳等十六人刑部郎中陸俸等十五人疏諫又明日吏部郎中張衍瑞等十四人禮部郎中姜龍等十六人疏諫醫士徐鏊以醫諫上大怒曰朕病未寧不問視乃出位妄言多誣謗鞏震良勝潮九川鏊其執送鎮撫司嚴治之鳳衍龍俸芬等一百八人俱罰跪闕下五日自卯至酉官較時之待日足聞丙辰行人司司

副余廷瓚等二十八人復諫。上愈怒，金繫鎮撫司嚴加掠治。明日大理寺、正周叙等十人，又明日工部主事林大輅等三人皆極諫。上怒益甚，命廷瓚等并鞫震良、勝潮、九川，鑿俱更措。奉跪五日，廷暴之日，足復繫詔獄。胥後命時京師人情震駭，公卿大臣被唾罵投擲，晨夕出入不敢待辯，色數目陰霾晝晦。水溢南海子，不了橋高四尺，鐵柱七根，齊折如斬。金吾衛都指揮僉事張英曰：「是大變，故明驗。」駕出必不利，肉袒挾兩囊土跪端門外，衛士詰之曰：「至尊若出。」

生靈無依，英當隨駕。若遇變，寧死此，即自刃。其胃衛士奪英刃不死，亦下獄。鞫治問英何囊土為恐灑血。汚帝廷，土掩之耳。法司坐英妄言擬斬，詔杖之八十。遂死。戶部尚書石玠請寬諸臣罪。上怒詰責玠，自服乃罷。戊午杖孫鳳等百七十人，于午門各三十。并陸倅、張衍、瑞、姜龍、舒芬皆調之外任。諸臣言者皆及江彬、陰助。上怒杖甚楚。刑部主事劉按照磨劉珏死。馬四月壬申杖鞫震良、勝潮、九川、叙、大輅、廷瓚。鑿於獄中。丁丑杖之闕下，各五十。鞫震良、勝潮、九川。

黜為民叙大輅廷瓚降三級外補鑿成瘡方其餘部
寺官繼上疏者各杖四十降二級旬日間震廷瓚及
工部主事何遵評事林公黼刑部行人唐軾孟陽劉
棨李紹賢李惠王翰等相繼死蓋十餘人 上亦竟
不言南巡事己卯月食戶部尚書石玠乞休許之五
月御史蕭淮奏寧王宸濠諸圖不軌狀遣太監賴義
駙馬都尉崔元帥御史顏頤壽往諭之六月義等行
未至宸濠殺巡撫都御史孫燧按察副使許達以反
改總督兩廣軍務都御史為提督軍務避 上號也

兵部集議請命將討宸濠 上曰朕親征焉其遣安
邊伯恭掛威武副將軍印充總兵官趨南京太監忠
提督軍務左都督暉掛平賊將軍印充總兵官趨江
西令總督軍務威武大將軍總兵官後軍都督府太
師鎮國公朱壽統各鎮邊兵親勦之群臣諫不聽監
察御史陳察上疏力爭 上怒奪其俸曰再言者極
刑之削宸濠封爵屬籍告天下提督南贛都御史王
守仁與吉安知府伍文定等討宸濠平之嚴衛旗較
妄言賊人劉學孟貴等為妖言聚眾河南將為亂尋

獲之命三法司會鞫擬凌遲處死遂論太監張銳朱
 寧功加祿米歲百二十石廕陞三級八月命平虜伯
 朱彬提督東廠錦衣衛官較行事上故寵銳寧使
 銳居東廠寧居錦衣也至是命彬兼之癸未上發
 京師使梁儲蔣寬扈從丁亥上至涿留太監張忠
 私第王守仁捷至上不發而決南幸戊子至保定
 九月壬辰朔上宴保定府堂與都御史伍符為藏
 闔之戲再不中投闔於地使拾之罰符數瓢酒符醉
 上乃喜戊戌至臨清山東諸鎮巡官皆從越三日令

進宴具草上視笑曰慢我太甚及宴都御史王
 珣獻觴步綏上目之神周林珣曰且不測明日人
 宴都御史龔弘趨而進言姓名江彬叱之上亦自
 如太監黎鑑宥所索於有司珣不可鑑頭觸珣遂闢
 入泣上前上曰都御史何敢輒辱爾必有求
 也王守仁將以宸濠之俘獻自江西至抗上使張
 永止之南征劉良女獻簪上納焉且以為召信
 上馳而失之至臨清使召不至上夜乘輕舸疾歸
 與良女俱載而南上知萬壽節至德州不泊從官聖

拜於河渚十月己亥月食群臣以宸濠就擒請
旋師不報壬午發臨清十一月己巳至淮安幸監鎗
太監張陽第漁清江浦累日賜所捕魚於左右獻金
帛謝是時南京河南山東淮揚等處文武官皆來集
或送或迎無貴賤戎裝徒行道路間江彬不時傳旨
有所徵索拷縛卽賒長吏如奴隸又矯旨大索鷹犬
珍玩於民間甲寅上屏侍衛徒步入淮安城幸總
兵官顧仕隆第己未上漁范光湖十二月辛酉朔
上至揚州太監吳經預奪民居改為提督府矯旨言

上將刷處女寡婦焉知府蔣瑤為民請命經大怒夜
半遣騎卒開城門呼駕至趙巷列炬大搜婦女破屋
壞垣必碎之尋分送之尼寺贖乃免壬戌上數騎
獵城西遂奇上方寺自是數獵劉良女諫乃止令神
周取鷹犬泰州括民百餘為獵手大獵三日幸未命
明年正月郊祀於南京梁儲蔣冕再四諫乃寢戊寅
上閱妓揚州撫按官進宴却之取燕直乙卯至儀真
禁民畜豬曰近國姓犯者戍極邊癸未漁儀真之新
閘視大江命江彬揖祭大江神明日幸民昌本家復

閩妓半送之舟中乙酉渡江丙戌至南京丁亥祭南
京太廟戊子祭奉先殿既下拜不能興者良久
十五年正月庚寅朔謁孝陵丁酉迎春於南京脩諸
戲劇如宣府命改郊先師社稷之祭亦俟後丁戌三
月太常寺以方禁豬請所以供犧牲上曰陵寢祭
祀所從來也仍用豬四月淮揚大飢人相食梁儲蔣
寬以聖駕久外乞罷免不報江西諸郡大水六月
上微行至牛首山宿衛諸軍夜驚失上所在七月
焚蠻平夜有物墮上前如豕首其色綠閏八月

上有游蕪抗泛江浙沂湖湘登武當之意梁儲蔣寬
手奏乞迎鑾跪泣行宮門外未至酉上遣中官內
具奏命之起對曰未得乞中官傳旨曰已知即回鑾
乃起群黨尚欲還縱宸濠於江天子與之遇而復
擒之張永不可乃以大將軍鈞帖令王守仁重上捷
音守仁約前疏再叙群黨功始議北旋壬辰上詣
孝陵辭癸巳受江西俘下酉旋蹕發龍江使宸濠舟
尾御舟辛丑至儀真壬寅漁于江口次日如瓜州避
雨民家夕宿望江接癸卯自瓜州濟江登金山遂如

鎮江幸致仕大學士揚一清第明日復幸取其冊府
元龜文獻通考以去其明日又幸烏樂作分題賜一
清製詩十章命更定屬和一清進杯為闌門之歌
上大悅及駕還凡五幸故大學士靳貴方卒上入
其家使番僧統隴誦經三匝庚子發鎮江壬子復宿
望江樓癸丑上至揚州九月丁巳撫按等官進金
銀牌各二軸一旗帳一綵帛若干匹設慶功之宴戊
午發揚州庚申復漁范光湖太監丘得索知府蔣瑤
貢物加糾纏焉辛卯上駐蹕淮安都御史蕭蘭總

兵官顧仕隆進賀功金牌花紅綵帳上戎服簪花
鼓吹騎入城丙寅至清江浦復幸張陽第三日漁積
水溺烏出左右呼萬歲曰龍也丙子至東昌十月庚
寅至天津庚戌至通州十一月捕交通宸濠者吏部
尚書陸完太監商忠等十二月平虜伯朱彬奏臣隨
駕南征奉總督軍務威武大將軍總兵官後軍都督
府太師鎮國公朱壽指示方略擒捕宸濠及其逆黨
十五人乞典刑殛之上曰卿承受方略捕賊無遺
地方安密朕甚嘉焉其先加祿米歲百石廕一子錦

衣世襲正千戶功賞行別論召皇親公侯駙馬伯內閣府部大臣科道官於通議宸濠獄賜宸濠死燔之甲午上還宮大擢軍俘數千人陳東西輦道陸完錢寧裸反接死者竿其首皆標白幟書姓名弼望數里上戎衣騎而閱正陽門下良久入諸俘自東安門經大內出丁巳乃補郊初獻上拜伏嘔血扶歸於齋宮踰宿乃入大內

十六年正月 上力疾詣奉先奉慈二殿及 皇太后宮行禮出視朝己未祔 孝貞純皇后神主太廟

辛丑乃補禫以不豫復改郊古田蠻賊平虜大入威遠松山等堡三月癸丑朔日食清遠四會二縣遺賊復起四賊流劫山陝界中改團營西官廳為威式團練營以西官廳監督太監張忠安邊伯未泰平虜伯朱彬都督朱洪朱暉朱周朱琮提督之別開練團營教場於他處兵部執奏不許己丑上大漸于豹房召司禮監使達意 皇太后曰前多誤天下事重其與輔臣議處丙寅上崩殯大內 慈壽皇太后命迎取 興獻王長子於興入嗣皇帝位四月上尊

謚曰承天達道英肅睿哲昭德顯功宏文思孝毅皇帝廟號武宗九月癸亥康陵壽三十有一

識大錄卷之二十

古宣逸史臣劉

振伏述

帝典

世宗肅皇帝

世宗肅皇帝諱厚熄興獻王長子也憲宗十子

長孝宗次貴妃邵氏子興王興王封楚安陸

上生之年為正德二年翼軫見慶雲楚分也正德十

六年三月武宗崩無子慈壽皇太后使駙馬都

尉元皇親喜輪持遺詔召上時興獻王薨上已除喪年十五矣渡河拏舟父老相告曰昔聖天子生年此河清三百里者三日茲其徵夫四月壬寅上至自安陸大學士楊廷和請從東安門入居文華殿候勸進上曰此皇太子禮我奉遺詔嗣皇帝遂以癸卯受臣民箋於行殿入大明門日中即位頒詔除舊以明年為嘉靖元年丙午遣迎祖母即貴妃母蔣妃於安陸命群臣議興獻王主妃封號召故大學士費宏於內閣發御馬監太監張忠于經蘇縉

克軍孝陵衛降罰太監谷大用丘聚等有差貴州普安賊阿則阿工得就擒餘黨悉平五月追贈故諫南巡杖死者官其存者加俸一級以危言廢謫者皆復之日精門穴閉大理礦禮部尚書毛澄上群臣所議興獻王主妃封號請如漢定陶共王宋濮安懿王故事以益王次子崇仁王厚炫封興襲祀上稱孝宗曰皇考改稱興獻王皇叔父上曰事大其再議上武宗尊謚廟號錢寧江彬伏誅大賚臣民軍士禮部尚書澄再以興獻王主妃廟號請命再議

六月縱內苑禽獸大黜罰正德中內侍奸黨戮宸濠
逆黨于市兩畿山東西河南陝諸郡大旱疫停織絨
袍於陝罷遣抽分內臣七月存問故大學士劉健謝
遷戶部尚書韓文虜寇莊涼洮岷諸處寧津盜起進
士張璠獻大禮議請考興獻王伯孝宗稱上
意上召楊廷和下禮部所上議曰至親亡如父子
卿等宜體朕心廷和請如議不報八月尚書澄再以
前議請命再議除皇莊命四方災異重大者立奏毋
誤類聞九月母妃自安陸至正通毛澄請治王妃

駕入王門上曰駕以母后入大明中門朝內廟
上諭廷和等曰朕承祖宗鴻業居天下興獻王
獨生朕一人既不得承緒又不得徽稱如同極何卿
等委曲折衷申朕孝焉廷和執議如初尚書澄三上
群臣議陛下以旁支紹正統考孝廟母慈壽
不當私所生帝后之上曰事大其再議葵康陵
山東江西閩廣流賊平是時母妃以尊稱未定止
通州旬餘上涕洟啟慈壽皇太后願避位奉藩
如故群臣惶惧十月辛巳皇太后命稱王為興

獻帝母 興獻后 邵貴妃為太后壬午 聖母入
 戌安邊伯許泰海南十一月修 武宗實錄論平宸
 濠功封王守仁新建伯其餘遭叙有差白水江燹蠻
 普法惡為變逮四川巡撫都御史馬昊下獄戌故兵
 部尚書王瓊於邊張璉舟為大禮或問以獻重建乾
 清宮成 上自文華殿入居之罷廣西香貢逆番寫
 亦虎仙伏誅：雲南十八寨賊阿寺等十二月勅加
 稱 興獻皇帝 興獻后為興獻皇太后揚廷和封
 還詔書曰不宜加稱皇 上曰哀之情不能自己

其勉承朕命廷和執奏 上曰卿之所言史志大義
 朕之所奉昊天至思可勉錄皇號母泥於舊聞廷和
 復引古議抗章求退 上優答之吏部尚書喬宇等
 合疏諍 上曰 慈壽皇太后旨爾群臣其承之存
 問故南京禮部尚書章懋
 元年正月己酉朔 上朝不賀禮科給事中熊浹請
 尊 興獻王為帝別立廟上徽號如 景皇帝以示
 不敢躋於列聖加上 慈壽皇太后及 武宗皇后
 徽稱而尊 母妃為太后徽號如慈壽以示不敢躋

於太后下所司己未大祀南郊清寧宮後三小房
災群臣以灾爭大禮報聞廣西蠻賊梁公當寇臨桂
等州縣甘州軍亂殺巡撫都御史許銘三月上諭
廷和上興獻帝冊寶文孫子廷和封還不報丁巳
上慈壽皇太后尊號曰昭聖慈壽皇太后武宗
皇后曰莊肅皇后 邵太后曰壽安皇太后 興獻
后曰興國太后詔天下幸太學禁京師民靡五穀為
酒麴論足策迎立功封大學士楊廷和蔣冕毛紀伯
爵予世禮部尚書毛澄加太子太傅世錦衣其餘有

差皆力辭妖賊馬隆平荔浦賊潘公銀等流劫桂林
陽朔間五月止織生綾於浙江封駙馬都尉元為京
山候皇親喜昌化伯輪玉田伯八月虜犯邠存問故
大學士劉忠十月立陳氏為皇后十一月山東西陝
西盜起分遣科道官行視發太倉銀賑被寇處 壽
安皇太安崩禮部請服十三日而除 上曰以二十
七日及期猶不忍除也曰山陵未就其考 憲宗朝
喪 錢太后禮毛澄言 錢太后崩距葬不遠故暫
持凶以待今山陵尚未且將獻歲不宜縞素臨元會

陛下孝思深摯請止鍾鼓母御中門上乃勉具黑翼善冠素服烏犀帶御西角門還宮仍素朔望罷殿上又欲祔茂陵揚廷和田不可乃地陵稍右為給事中史道坐外補怨廷和上疏詆之廷和疏辯乞致仕喬宇彭澤等因劾道御史曹嘉極論大臣相為地阻言者路廷和字澤皆求去上下道詔獄已外降之調嘉於遠方遼東開原大飢免徵椿棚馬價虜掠偏頭關

二年正月 上壽安皇太后謚曰孝惠皇太后禮部

請 上視朝鳴鐘鼓鳴鞭服易淺淡色 上曰服則更矣鳴鐘鼓鳴鞭朕方在疚未可也虜入沙河堡總兵抗雄等戰却之瀏陽賊起流劫袁州二月葬 孝惠皇太后河南山東流賊平四月命 興獻帝家廟樂八佾以災異勅中外修省以宋儒朱熹喬孫暨為翰林五經博士奉祀于婺源閣四月醮欽安殿上拜奏青詞揚廷和諫太監崔文家人陽鳳等索賄於工部匠銓不獲因以他事噤又杖銓重死法司未決文為陽鳳訴寃請改訊鎮撫司許之刑部尚書林俊

執不與 上不納明日復奏 上怒責對狀群臣諫者八十人早命禮部禱雨南京大疫詔有司加意撫賑六月山東賊倫等掠淄泗諸縣七月工部為 皇 后父都督同知陳萬言造第尚書趙璜言第近且踰制請裁之 上怒責對狀下營繕郎中葉寬等詔獄已乃釋刑部尚書林俊乞歸許之給事中劉最論劾太監崔文調外任既行東廠太監景賢據奏最謫戍之八月進封壽寧侯張鶴齡昌國公加慶陽伯夏臣太子太保封陳萬言泰和伯予券世襲吏部尚書喬

宇言累朝外戚亡侯公者伯萬言亦非 祖宗法不聽九月恤故尚書章懋遺孤十月戶部尚書孫交兵部尚書彭澤皆致仕十二月江南饑粥民遣太監織御衣蘇杭揚廷和喬宇立止不聽已責大學士冕忤慢不草勅趣之三年正月大賑江南饑二月給事中鄧綬曾言批荅朝貢頃多從中不出閣擬恐二三天臣不得圖政左右群小復竊權希寵如正德時 上怒下詔獄謫之許大學士楊廷和致仕言官交留不聽南京主事桂

夢請 考興獻帝廟大內如張聰言下群臣議不可
 上曰朕承正統第欲兼報本生恩耳其恭議聞遂召
 夢及南京兵部右侍郎席書主事張璠霍翰于京師
 昭聖慈壽皇太后聖旦免命婦朝賀御史馬明衡朱
 淵言 興國太后令且命婦畢賀為日未久 慈壽
 皇太后聖旦輟不行臣恐臣民以此疑兩宮 上怒
 曰免朝自 皇太后懿旨朕豈有間焉逮明衡等詔
 獄拷訊翰林修撰舒芬御史季本陳逅戶部員外郎
 李應馳相踵諫求 上奪芬俸本等並下獄訊謫之

三月勅曰 聖母昭聖慈壽皇太后朕欲加稱康惠
 加稱 興獻帝為本生 皇考恭獻皇帝 興國太
 后為本生母章聖皇太后室奉先殿側祀 獻皇帝
 為禮部尚書汪俊曰立廟非禮也興者 獻帝始封
 之號諸母去興曰 興獻皇帝喬字曰稱本生可也
 第請母稱皇 上曰朕尊正統亦胡可遺所生奉先
 殿側室也非廟也修撰唐皋編修鄒守益給事中張
 紳御史鄧本公等先後上疏極言皆切責奪俸汪俊
 曰廟大內于正統臣不敢奉詔不許下群臣議群臣

曰禮不得立廟則亦不可以建室不得主祭則亦不可以孝請建獻皇帝百世不遷之廟於興不許喬宇等再疏亦不許定安陸州松林山曰顯陵瑄萼並上疏陛下入繼大統與為人後者不同必稱孝宗為皇伯考興獻帝為皇考武宗為兄乃名正言順不在皇不皇也上悅汪俊乞休許之特以席書為禮部尚書丙廣賊平四月南京主事張瑄挂萼即中黃宗明都察院經歷黃綰益上疏譏禮官群臣諍益急上曰朕祇承宗祀孝養聖母豈敢違逆本

生聖母方躬奉事本生皇考寢園遠在安陸孤卿等安乎奉先殿側立一室再四命矣尚爾黨同蔑朕冲歲其亟如詔旨己酉上昭聖康惠慈壽皇太后尊號庚戌上本生章聖皇太后尊號詔天下五月蔣冕致仕編修鄒守益再疏爭大禮修撰呂柝上疏極言時事並下鎮撫司拷訊謫其官上命奉先殿西室曰觀德殿造祭器如太廟遣大臣之安陸上恭穆獻皇帝冊寶改題神主迎入京師六月特命張瑄挂萼為翰林學士方獻夫為侍講學士吏部尚書宇

言內降恩澤被之佞幸小人非所以施臣士大夫不許群臣大攻璉夢御史段續陳相吏部員外郎薛蕙鴻臚少卿胡侍言尤切上並切責烏下績相蕙詔獄拷訊謫侍潞州同知七月喬宇致仕乙亥先期諭禮部更定皇太后尊號曰聖母章聖慈仁皇太后去本生侍郎朱希周曰本生之詔未三月又復母之無以信天下不許吏部左侍郎賈詠翰林學士豐熙皆諫上怒姑宥詠下熙詔獄於是九卿大臣吏部左侍郎何孟春等及在廷諸臣皆上疏極諫跪伏

左順門大呼高孝二廟聲聞上所上使慰止之不退至于日中上益怒命收繫為首者修撰楊慎王元正首觸闕繼以哭上大怒盡繫之己卯上聖母尊號諸大臣異同不赴者並切責之甲申獻皇帝主至自安陸惺於正陽門導迎如車駕既入奉安觀德殿上率群臣上冊寶大學士毛紀乞休許之八月復史道曹嘉官調何孟春南京工部侍郎逮杖伏闕者編伍削職有差杖有死者遂下席書方獻夫璉夢前後所奏疏命群臣再議群臣乃議如上

昔九月丙子更定大禮尊號詔曰朕本
 憲宗純皇
 帝之孫 孝宗敬皇帝之姪而 恭穆獻皇帝子
 皇兄武宗敬皇帝上賓之日仰遵 聖祖兄終弟及
 之訓屬朕倫序當立遺詔命嗣皇帝位 昭聖康惠
 慈壽皇太后以朕入繼三年于茲矣尊稱大禮屢集
 廷議輒引漢定陶共王宋漢安懿王為據至再至三
 朕心靡寧蓋伯姪父子天經地義豈人為乎况漢宋
 二君衣裳垂御豫立為子朕入奉宗祀在宮車晏駕
 後實與不同以為繼嗣亦非我 聖祖初訓豈徒禮

官之失殆朕冲年不能決擇之咎也朕祇奉 九廟
 尊養 二宮 正統大義未嘗有間惟 恭穆獻皇帝
 章聖皇太后朕父母也劬勞罔極位號未正因心之
 孝每用歎然已告于天地 祖宗社稷稱 孝宗敬
 皇帝曰皇伯考 昭聖皇太后曰皇伯母 恭穆獻
 皇帝曰皇考 章聖皇太后曰聖母各正厥名情既
 允稱禮無悖也夫篤近舉遠御于家邦以孝言順事
 成興厥禮樂以名朕庶幾古帝王之盛焉大同辛酉
 都御史張文錦回甯連壇滿達兒等入圍肅州命兵

部尚書金獻民往禦乃定之十一月蘇抗織造太監
勲志聰誣奏浙江布政使馬卿杭州知府查仲道等
皆逮問十二月大理寺右評事常商臣言平獄臣職
也竊見群臣以議大禮忤旨調任者吏部右侍郎何
孟春一人以為首謫戍者學士豐熙等八人決扶病
瘡死者編修王思等十七人以織造抗中使逮訊者
布政使馬卿知府查仲道等若而人以送迎忤中使
逮訊者副使劉秉鑑知府羅玉若而人以京堂臺憲
官為所屬吏民許奏下獄者少卿樂護華湘御史任

洛副使任忠若而人此皆獄之大者臣敢僭為
下評其失願陛下復戍者之官錄死者之後釋逮
繫之刑正妄訐之罪天下稱仁焉上曰商臣買直
沽名降二級外調之大同卒再致圍代王夜亡宣
府以戶部侍郎胡瓚總制軍務捕治之總兵桂勇千
戶苗登計擒其首惡居二日卒復攻戮勇登家命瓚
督諸將擒之土魯番犯甘涼諸處金獻民戰敗之
四年正月大同卒平代王還代西虜寇甘肅總兵姜
夔禦之苦水墩敗之改致仕大學士楊一清為兵部

尚書督撫陝西三邊軍務三月御史王懋郭楠先後
乞優卹議禮臣之死杖下者上謫懋為邊方典史
逮治楠民之修獻皇帝實錄仁壽宮災四月黃屋
顯陵殿改陵署曰監衛曰顯陵衛日本使宋素卿論
死罷市舶絕其貢光祿寺署丞何淵諸立世宗妃
皇考太廟下禮部議不可命再議張璉挂夢與議亦
不可曰臣故言當考獻皇帝廟京師耳不敢言祀
太廟也五月上曰豈敢于太廟世室之建從古有
之朕非敢僭擬帝王功德惟我皇考撫誨朕躬罔

極難忘觀德殿祀大內百官執事不得禮焉謂孝思
何於是禮部請別立廟闕左不與太廟同門祭用次
日上曰可四時獻享朕率百官親之名廟世廟世
世子孫無遷也六月廢慶王台滋為庶人十月何淵
復言世廟不與太廟同門則請同門於廟街上令
巫議群臣皆爭竟從淵言十二月刊布太祖銜製
洪範序及御註無逸伊訓三篇為一書曰書經三要
閏十二月己卯朔日有食之以大禮集議書成進席
書太子太保諸與上議者皆陞實授一級以璉夢為

啓事府啓事獻夫韜為少啓事降岷王彥汰為庶人
 五年三月畿內飢粥貸之五月丁酉月食復召揚一
 清為吏部尚書英武殿大學士刑部尚書趙鑑致仕
 御製詩送之六月甲子召大學士費宏揚一清石璫
 賈詠於平臺各賜詩一章七月以啓事張璠為兵部
 右侍郎上曰觀德殿前掩奉慈殿無以準奉先朕
 意未稱今欲改建奉先殿左也工部尚書趙璜言
 孝宗皇帝建奉慈於奉先殿右奉先殿左必並時奉
 皇太后即皇太后同享焉太皇太后則獻皇

帝聖祖母皇太后聖母也建奉先殿左必並時奉
 慈恐在天之靈不欲班之且奉先殿雖度高祖宗
 列聖所同也觀德殿雖卑獻皇帝所獨也今外
 有世廟之規內有現德之專勿更便席書曰建世廟
 民勞矣請寬之歲所上諭費宏曰紀太后不得
 配皇祖考憲宗是以建奉慈錢太后不得配
 皇曾祖考英宗是以奉慈同享之人未有無父母者
 現德掩且溢遷于東豈害禮也費宏曰陛下永言
 終慕臣等敢不奉詔製世廟樂用文武舞重舉主連

坐法以覈吏治九月辛卯安 獻皇帝主世廟十月
御製敬一箴：曰人有此心萬里咸具體而行之惟
德是據維敬維一所當先務匪一弗純匪敬弗聚元
后奉天長此萬夫發政施行期保鴻圖敬怠純雜應
驗頓殊微諸天人如鼓荅桴朕荷天眷為民之主德
或不類以為兢懼惟敬惟一執之弗固畏天勤民不
遑寧處曰敬惟何怠荒必除却則恭誠廟嚴孝趨肅
于明庭慎於閑居省躬察處儆戒無虞曰一維何純
乎天理弗忝以三弗貳以二行顧其言終如其始靜

虛無欲日新不已聖賢法言備見傳經我其究之擇
善必精左右輔弼責于忠貞我其任之鑒別必明斯
謂之一斯謂之敬君德既修萬邦則正天親民懷永
延厥慶光前裕後綿衍蕃盛咨爾諸侯卿士大夫迨
配康一遵斯謨主敬協一周敢或渝以保祿位以完
其軀古有磐銘日接心警湯敬日躋一德受命朕為
斯箴奉：希聖庶幾湯孫底于嘉靖復註范後心箴
程頤視聽言動四箴頌示翰林臣勅儒臣韻編尚書
要事以為法戒編修孫承恩因彙括古今君蹟獻詩

六十章 上嘉納之賜名君鑒韻語十一月甲午月
食張璠力攻費宏、求去 上兩番之曰以教協恭
十二月時四方災異疊奏水旱雷雨地震山崩以數
省或水雹大如人頭捲裂民舍百數十家江南婦生
子六目四面有角手足各一節獨瓜鬼聲河南生牛
犢一身兩首鄖陽牛產二身心肺胆各二江西虎具
人手及大學士揚一清以修省上言勅曰覽卿疏者
再論之至切朕涼寡冲昧日夜惟治未盡知民欲求
直言、或不寔朕過多不自悟其悉陳之庸開朕心

毋忌以不盡頃之勅群臣曰比者坤輿弗清乾象失
常風雨水雹水旱之灾物怪人妖疊報曾見靜言思
之疚實在朕爾文武群臣亦宜洗心去垢交修成治
曠職瘵官則有國典張璠力攻費宏、五上疏 上
意優容之

六年正月總督兩廣都御史姚鏞平田州改置流官
令四品以上及六科十三道條民間疾苦具上便宜
足消弭灾變者己丑大祀南郊以灾罷慶成宴四川
橫江賊阿狗戍平勅修大禮全書二月虜犯宣府中

路參將王經力戰死之初揚廷和卓即位詔革罷正德中傳陞官錦衣衛千戶王邦基在革中兵部尚書彭澤如詔革之邦奇怨追奏哈密失國繇澤廷和大學士費宏石瑄皆廷和黨并論廷和子兵部主事惇女婿修撰承勛等他事上方以議禮惡廷和遂下惇等獄令鎮遠候顧仕隆等會鞫之給事中揚言宏瑄天子師輔百官之表小人得怨構之非遠陞高堂之道且廷和有擁衛功即所擬詔不當上方指心無他也去國亡何不得庇肉骨上怒朝繫言並

治之御史陳察陞呼曰臣察願易言也獄上上責仕隆曲護褫惇職為民間任承勛調言於外任宏瑄因乞致仕皆許之仍召謝遷於內閣三月虜復寇宣府入大白陽堡參將閔山死之遼東大饑發大庫銀給之改作觀德殿成更名曰崇先四月洛容古田蠻賊反五月丁丑朔日有食之旱露禱暑輟經廷命翰林官撮經史大義日一進揚一清請進大學衍義上從之曰日一講不得其精微其以五日進因製大學衍義序聽講詩二篇示群臣田州岑猛餘黨盧蘇

王受復叛起故兵部尚書新建伯王守仁妻左都御史同姚鎮討之七月禮部侍郎挂夢請令科道官於考察拾遺之後五相糾劾如憲宗初年詔旨下吏部議吏部言憲宗初年無此詔夢近屢被論劾似欲以報復言官恐不足厭衆心昭公論爭者久之上竟切責吏部趣行如夢請吏科都給事中王俊民御史劉隅等言臺諫自相批抵開攻訐之門非盛世事亡已則請聽吏部都察院再行考核不願自相糾也上責俊民等方命朋規奪其俸已命部院覆考

考山上曰朕聞兵科都給事中鄭自璧一門三黜清議有乖戶科給事中孟竒被劾勘問居位自如不此指摘乃以漫塞命其降自璧竒二級外調之挂夢請召用王瓊治邊吏部言瓊坐甘肅事處死幸而脫戍其罪甚明夢欲召瓊臣不識所謂上已之念其老姑與解戍御史胡松劾夢妄薦樹黨上怒外調之御史周在言陛下不用瓊則夢薦誣矣夢番松謫是股肱耳目一體異視也上復怒下在錦衣衛拷訊夢薦瓊益力上重違夢意先復瓊官令需補

八月套虜大入總督尚書王憲與總兵鄭卿抗雄等
 大破之改大禮全書名曰明倫大典湖廣水盜賑之
 九月山西妖人李福達故賊也亡命變姓名曰張寅
 怨家告于巡按御史馬錄：捕之急福達亡入京師
 以方術干武定侯勛：寓書錄為居間錄劾上勛書
 是時勛方附璉夢得幸廷臣惡勛貌言勛黨賊請用
 連坐法上詰責勛：畏賂上左右為飛語上
 動移繫福達詔獄逮馬錄廷治之語有變上怒廷
 臣黨同陷勛也無為國惧刑者如是則朕親聽焉場

一清言庶獄不足煩天子乃收繫刑部尚書顏頤
 壽御史聶賢以挂夢張璉方獻夫三人者兼視三法
 司事復廷決三人新貴用事因欲破散不附己者立
 威乃大治諸臣頌福達寃出之上大怒曰群欺至
 此耶戍錄與故讞者極邊奪願壽及故都御史張仲
 賢大理寺卿湯沐官其他大小臣論戍削逐者四十
 餘人而大學士賈詠亦以貽錄私書致仕去上親
 勞璉夢獻夫賜服二品追贈其二世頌先後獄詞於
 天下曰欽明大獄錄十月以張璉為禮部尚書兼文

淵閣大學士兼掌都察院事如故 工曰朕念謹政
而聞過今錫卿一清總鑿募人銀記二用識密封自
古明良儆戒交修朕之不明資嘉猷焉是時 上重
講筵史局之職欲盡內外諸臣文學政事之材乃外
從翰林選外臣文學者入補之潞城青羊白坡賊陳
卿等為亂十一月濬天津海口新河趣中外恤刑使
者上爰書事竣刑部核而黜陟之 上曰畿輔軍民
田土奸民多投獻豪家豪家撻而逼之租稅民失常
產何以為命京師如此在外可知其推戶部侍郎及

科道官各一人徃勘之在外御史按行毋問皇親王
府功臣家一體核籍十二月黃河清寧寶鑄嘉靖通
寶 上諭楊一清曰國家幸無大警然安不忘危園
營第一重務也廷臣有蓄戚習武者卿集舉使治之
既舉不稱 上意 上特改李承勛為兵部尚書兼
左都御史加太子太保提督營務勉以展誠而布忠
命太醫院判紳視揚一清目疾齋賜羊豕米酒諸物
與札曰新春伊迺望卿良切鄉日稍可使赴閣視事
慰朕懷也一清言禮辨色入朝君日出視之仰惟

陛下勵精圖治不論疾風嚴寒昧爽設燭雖云宵衣
之心聖躬得無過勞臣又竊聞陛下日將視朝
皆先以雞鳴禮奉先奉慈崇先三內殿朝退聽講閱
奏殆無虛晷臣切惟三殿之建本以義起非廟也即
為廟亦宜清靜闕恤使神有依禮不欲數請第於朔
望四時節候一拜三叩如臣子常見君父儀又聞導
嗣儲造端夫婦誠不可不重上曰卿言真師保愛
君子至意朕之蚤朝先官指也子孫敬事先人敢以
勞解但我太宗初建奉先時五廟日五拜而已今

九廟神位奉慈三室崇先親廟倍之有餘節忌祭告
禮又倍有餘朕戊弱促喘穿統登降實難如儀當如
卿言朕大昏且七載矣深慮承傳其於后興二妃具
接之以禮御之以正惟多慈色荒為兢之聊諭卿知
見朕心慎微云爾
七年正月己亥白虹弥天二月勅禮部曰古聖王制
玄端以燕上下同之夫人修明而息幽故聖王重焉
朕酌古玄端稍加大采觀深衣色用黃更名曰燕弁
製成用之庶幾深宮獨處以戒燕也此者達官顯士

俗同市井走卒後廝濫擬儒流禮曰不知其名為罔
又曰不學雜服不能安禮善與人同令從君出復酌
其製名曰忠靜許在京七品以上官及八品以下翰
林院國子監行人司在外方面官及府州縣正官儒
學教官服之武官許都督以上服之庶幾乎進思
盡忠退思補過者也以回夷入寇哈密戍甘肅巡撫
都御史陳九疇於極邊黃河清靈寶者五十里遣太
常祭謝御史周相諫繫謫之三月以兵部侍郎王廷
相善都御史提督延寧邊防修理牆塹勅張璉曰見

卿帶不佳持賜玉帶其以扎報母廷謝予謝遷老雲
南武定土舍鳳朝文作亂以右都御史伍文定為兵
部尚書提督雲貴川湖等處軍務調四鎮土漢軍討
之南贛都御史汪鋈進甘露賜白金文綺薦祖廟遣
武定侯勛告知壇上亦廷謝焉群臣請駕上却
之曰灾變屢生朕先天戒四月勅曰此者風霾蔽天
旱潦連聞地震同日羣盜密逐京師夷虜跳梁咎實
繇朕君臣共理皆天事也文武群工宜加省悔大者
會奏小者立改庶民懷無怨朕亦免於多戾虜入山

西乾溝墩號一萬圍遊擊印定軍命惠安伯張偉掛
平虜將軍印克摠兵官備之五月思恩田州平六月
明倫大典書成勅曰朕以未支膺天紹緒實惟我
祖宗列聖積累垂延亦惟我皇考聖母鞠育誨導
底于成立即位六日輒下議尊崇禮大學士楊廷和
謬主漢議指示禮官尚書毛澄不能執經擬正附朕
與為人後之倫朕思皇兄遺詔乃遵我太祖兄
終弟及之訓大義甚明朕繼統非繼嗣若如前云奪
我父子大倫民彝泯亂屢命廷議廷和等力主定陶

漢王不倫之典妄稽曹魏偏安私己之言鼓衆要朋
一倡百和期於必勝己而執禮之臣先後論列本聖
稽經尊：親：各得其序凡有人心孰不憬奕廷和
等猶執迷不返蔣冕毛紀茫無救正轉相附和都御
史林俊起用遠方著論迎合尚書喬宇六卿之首不
秉正抗說乃與九卿等官交章妄持汪俊繼為禮部
尚書勸說如故吏部郎中夏良勝侍郎銓選之權脇持
庶官堅厥和志何益春以待郎掌吏部事鼓舞朝臣
伏闕喧騰肆無敬忌朕初雖有非彼之意然而信道

未堅屢以天性開諭使相體悉廷和等始終違詔及朕稍長重賴諸臣正論見之已真詔令三更大禮始定比者大典書成備載群言和正具見奉天行罰垂戒後人朕今日事也然猶不欲已甚姑從寬輕哀次為廷和貪天之功制脇君父國老定策自居法當戮市持革職為民次則毛澄病故削其生前官職又次冕澄字俊皆已致仕各革職冠帶閑住林俊已故亦革去前官銜益春生雲貳卿情犯持重良勝雖云部屬釀禍獨深皆發原籍為民其餘大小官員當時連

名入奏然有人代署已不與聞者有心知其非口不敢吐者或與夫當時已正法典戍及民者茲皆不再寃焉嗚呼凡昔脇從諸臣自今毋懷憂疑勉思圖新顧不美歎原朕弗敏弗聰亦追省夙愆不敢恕也開濟通惠河鳳朝文平七月己卯追上孝惠皇太后尊號曰孝惠康肅溫仁懿順協天祐聖太皇太后恭穆獻皇帝曰恭睿淵仁寬穆純聖獻皇帝上聖母徽號曰章聖慈仁皇太后詔天下九月罷總督河道右都御史盛應期止開新河之役勅曰今灾傷比

比川陝湖廣山西尤甚不急賑大蠲豈父母赴徃歲
灾傷僅免存留糧數南之兌軍北之邊輸如舊夫百
姓所苦正在起運若存番之數又有祿俸廩糧之類
不可缺者通融處補待熟帶徵多虛文耳其令灾重
者盡蠲今年起運數稍輕者勘覈停徵或量與折納
冬寒在迓明春青黃不接之時尤為可慮府州縣其
連散倉上貧之家不足則益以官帑之間空者起運
如不可廢即以兩淮等運司鹽價及諸他徵未用者
量補之更發送太倉銀或補或賑毋令失所戶部宜

推行朕意都察院令內外官員條奏採荒良策及凡
不便者十月罷討芒部兵召伍文定還虜五萬餘寇
宣府總兵趙瑛時陳等擊却之 皇后崩謚為悼靈
皇后閏十月新建伯王守仁以討田州兵轉攻斷藤
峽叛賊平之青羊山賊陳卿等平御製十六字箴曰
卓爾之見一貫之唯學聖君子勗哉勿為十一月
工曰寒風猛疾山中宜甚朕聞行殿護 大行皇后
梓宮者猶自齎糧梓宮重人命尤重也官軍朝夕霜
霰無衣褐何以支持朕念者裂已膚尚書承勛其與

番班少甦之戶部便給發人狼馬料工部人給胖襖
袴鞋一事畢還以聞勅曰朕散白金二十萬給大同
芻粟因思遼東宣府偏頭陝西寧夏甘肅皆邊也戶
部即行諸巡撫考倉場告匱者給予之 上聞河陝
民相食以戶部不賑採鎮巡官不奏聞命以寶對立
順妃張氏為皇后十二月勅曰朕酌古玄端為燕弁
冠服推錫有位曰忠靜尚念宗室未備未卒圖之也
光澤王有請寶獲朕心朕更酌之命曰保和冠服
郡王長子以工夫上下之分猶天地然各知其分然

後能以和相保而國家治安也其將軍中尉長史以
下冠服一用忠靜制郡縣鄉君儀賓非儒官比皆毋
得服親：有殺尊賢有等矣禮部頒圖說諸王府其
如勅

八年春正月戊戌朔風霾晝晦立春日長星出白氣
亘天勅輔臣條書急務諸修省弭灾毋有不盡凡郊
祀太常寺博士書祝版填御名是月郊 上親填御
名於祝版自是為故事二月以桂萼為大學士奪新
建伯守仁世爵禁其學旱河陝川湖天饑人相食甲

申 上禱雨南郊及山川壇乙酉禱社稷勅曰今天
下錢穀及京師太倉具有歲奏月報他如後府柴炭
銀團營子粒太僕馬價但有奏請支用朕不聞其幾
何夫節用所以愛人也豈得無警省戶兵工三部其
亟覈之歲終獻會稱朕不傷不害之意焉命天下府
州縣朝覲官陳利於布政按察二司二司類奏其可
行者部院條議之以潞州青羊山賊平改州為潞安
府 上曰比聞問刑之官往之深刻取名或意嚮上
司或徧徇已見甚者鍛鍊賄與厲古者一夫寃而三

月亢一婦憤而六月霜况多乎哉都察院其令撫按
督同三司等官行歷所屬審讞重囚有坐抑者具於
疑以奏其有被訪察論戍及累誤非律正條與非人
命贓私者皆奏處以請從杖以下情輕有詞即時赦
之若有玩慢參實降黜兵部馬人馳示焉三月葬
悼靈皇后大峪山權附主奉慈殿以禱不雨作自咎
又名工部大庫曰節慎辛亥月食五月增定大明會
典許玉睿審貢七月民張福母死告里人張柱殺之
東廠奏下刑部即中魏應召鞠獄則福殺母也於是

嚴部爭獄 上怒命三法司錦衣衛鎮撫司覆按之
左都御史熊挾奏如應召擬且請再集廷臣詳讞
上意決下比褫決職下應召考訊之給事中陸粲言
福柱之獄親鄰有口福姪至情尤痛憤不勝決既援
之定獄復請廷讞益其慎也 陛下誠敬庶獄明經
辜宜舍離而問之衆而聽之厥衛 天子詔獄可訖
以威法司多心寬者今敢亢爭恃 聖明也風紀大
臣一不當胥吏斥之毋傷國体乎在 敬皇帝時徐
瑄以小吏訟丁哲寬 敬皇帝即收罷哲之命彙錄

徐珪之美臣願 陛下霽威虛已近法 敬皇帝給
事中劉希簡亦言部院廠衛忠國之心莫不齊同獄
幽而旨嚴臣恐群臣妄意窺測虛誣轉甚 上大怒
下粲等錦衣衛考訊竟坐柱罷決應召鄰證俱適為
邊軍八月給事中孫應奎陸粲王準先後論劾張璠
腹恣挂萼貪濫狀 上怒曰朕以璠萼為朕正父子
之名委以重任乃頓失前志朕不敢私璠其解相還
省圖後用萼奪散官學士職銜以尚書致仕因下二
臣罪大治其黨與 上曰應奎首發璠萼若可赦也

繁準不蚤言非本忠並逮問謫其官詹事霍韜意一
清為之詆一清上前甚急上復曰老臣乃負朕
又下一清狀於九卿使自劾上予致仕遂召琇還
復葺散官職銜如故上曰科道官無一言一清者非
附即畏其各奪俸三月車駕祀山川復國初禮九月
製武弁十月癸亥朔日有食之上素服乘輿撤鹵
簿大樂入享太世二廟罷外戚侯伯世封乾清宮中
西七所房災上露禱天地祭告奉先詔百官修省
十一月御史劉安工疏臣聞治可緩圖不可急取也

可休養致不可督察成也躬有司之事摘臣下之失
出而復反信而忽疑大小臣工救過不暇則有不安
其位之心其位不安則其志不勇孰能為陛下建
久計策長效者哉臣聞君道貴明不貴察朝廷四方
之極也內而君臣習尚如此則外而撫按州縣風從
響應急察相台竊恐民窮有起盜之繇食寡無強兵
之理伏望陛下重本根養元氣不作怒於一毀不
驟喜於一譽不遽行一人之言不旋止一人之忤老
成非孺與貪則無輕棄言臣非奸與佞則無輕罪

上曰安要賣直下錦衣衛杖鞠之并達寃訟安者給事中胡克時再召相挂夢刑部員外郎卻經邦奏詩十月之交刺無良也茲日食陽月象符小雅得微皇父之人上代天工張璠既去尋留衆議洵：謂陛下私議禮之臣夫禮與政不同也議禮貴當政要必公陛下以議禮德璠乃不察忠和不揆才量信使無間是私議禮之臣也私議禮之臣則所議者不為公礼矣禮可守也亦可變也可成也可毀也陛下何不於此諸臣厚其賚賜金其終始以酬其勞博

選海內重碩之賢置諸左右講明勵異與建正大光明之治無使其履盈蹈滿犯天人之怒生福過之殃臣抱此區區竊効茅焦之義昧死以請上下鎮撫司嚴訊隨克軍曰父子天網也孰可守變成毀者經邦自比茅焦何如視朕上曰深冬不雪朕其自禱之百官毋從禮部臣曰百官孰敢不從天子許之戊申禱南郊己酉禱社稷遂雪上曰人君事天如親親歡子有不私慶感荷好生末展朕誠其親告謝用玉帛樂舞焉十二月定百官朝祭服圖頌式中外

識大錄卷之二十一

古宣逸史臣劉

振伏述

帝典

世宗肅皇帝下

九年正月壬辰朔告郊於太廟丁酉郊丙午享太廟
 世廟故事告內殿享先郊 上曰非所以敬天尊祖
 乃告於太廟郊畢而後享吏科都給事中夏言請行
 皇后親蠶禮 上大悅勅曰古者天子親耕王后親

蠶以勸天下朕甚慕之今歲朕躬祀先農禮部其議
皇后親蠶禮勃禮部曰朕冲昧承祖敢違舊章惟是
禮義之實重且大也朕每祭太社太稷奉配我
祖太宗則心疑之天地至尊次宗廟次社稷奉祖
配天正也配社稷屈之矣且夫父之不善乃及子乎
以共工廢勾龍者我皇祖時禮官失也其以后土
勾龍配社后稷配稷如國初之故二月戊辰祭社稷
畢祭先農東郊耕籍夏言請分南北郊上悅并下
廷臣議屠事霍韜極論親蠶為亂成法分祀為紊朝

政上置不問復貽言書甚言祖制不可變易周禮
王莽偽書宗儒議論皆夢語今啟南北郊之說將自
是而東西郊建矣將自是而更九廟矣郊社宗廟之
禮皆因而盡革之矣可不慮哉言得書劾韜無君七
罪并其書上之上大怒謂韜非詆先儒譏訕朕躬
懷奸蓄詐要名賣直命錦衣衛械送都察院議罪於
是廷臣議工乃多主分祀其議遂定韜亦乞恩輸罪
命復其官三月丁巳皇后行親蠶于北郊祭先蠶
氏五月躬祭告上帝宗廟興工于園丘迎翠殿南織

堂成六月河南巡撫都御史徐讚獻瑞麥賜銀幣行
薦告禮頃之也縣人亦以瑞麥獻京師人又言瑞禾
生郊群臣稱賀真定諸府大旱禱北嶽總制尚書王
瓊破降番夷若籠拔爾二族賜勅褒諭之七月兵部
王事趙時春言中外屢言瑞應禮官再請稱賀大小
臣工浮嗣而謾不能上體君父警災求言之意工
怒下詔獄黜為民八月沙汰天下附學生員戶部主
事梁喬升請終養吏部覆請從之俟親終服闋起補
上譙之曰人子忍預言親終豈所以教孝耶移祀太

廟功臣姚廣孝大隆興寺告皇祖太宗為九月兵
科給事中高金奏曰陛下以姚廣孝髡緇之流遷
祀佛寺闢邪崇正大聖人作為也官祿所以勸賢爵
賞所以厲世節元節一道流耳賜號真人衣紫腰玉
實累聖治望加削號上曰真人封賜久矣胡今乃
言金似忠實非錦衣其逮問之刑高皇后傳文
皇后內訓章聖皇太后女訓於天下命皇后授妃
嬪宮中使翰林官撰詩書內則之言以脩閨門誦
頌行陰之時端婦教之本為十月纂輯郊義成書曰

祀儀成典以夏言為翰林院侍讀學士兼都給事中十一月戊子園丘成上躬視之辛丑園丘習儀禮畢宣大學士張璉禮部尚書李時幕次曰有誤否即以聞甲辰視牲南郊乙巳誓百官奉天殿己宣璉等畢蓋殿御榻前戒以臨期恭慎上贊事天之敬丙午告配于太祖己酉始以冬至郊還御奉天殿群臣行慶成禮赦天下上曰朕惟孔子道王者道德王者德功王者功事王者事也直位非王者位焉周哀孔子削誅諸侯僭者亂臣賊子懼春秋後世至唐玄

宗乃薦謚曰文宣加王號元人益謚為大成此不體其心者也我聖祖崇祀孔子學宮於天下沿前代禮不即毀像蓋不忍也聖人尊親乃與天同我皇祖考採禮官八佾十二籩豆牲用犢直擬諸事天孔子或在安享之否昔不觀魯僭王之礼寧肯自僭事天禮蓋稱王賊害孔子甚有是德宜居是位克舜是也無是德居是位桀紂幽厲是也繇是觀之王名不足重孔子章服冕旒皆王名生昔曰名不正則言不順事不成何不幸身遭之哉坐令顏回曾參孔伋以子

而配於堂上顏路曾哲孔鯉以父而食於廡下也此
繇以王名橫加孔子來者也今也不可滋後之非道
朕將防閑萬世為乃為正孔子祀典申記示群臣集
議十三道御史黎貫等諫阻上怒褫職為民群臣
如_上詰議上曰其尊孔子曰至聖先師毋王
四配皆稱子十哲以下稱先賢左丘明以下稱先儒
毋公侯伯殿稱廟像易主兩國子祭用十簋十豆天
下學宮八簋八豆樂六佾別立叔梁紇祠曰啟聖公
以四配之父配兩廡申黨申張一人也其去黨存張

罷公伯寮秦冉顏何苟况戴聖劉向賈逵馬融何休
王肅杜預吳澄祀婦祀林放蘧瑗盧植鄭玄服虔犯
竊其鄉祀后蒼王通歐陽修胡瑗者四人稱朕尊師
重道之意通惠河成十二月臘御製蜡樂詩祈祠太
廟世廟撤文華殿釋像親告奉先崇先祀伏羲神農
黃帝堯舜禹湯文武周公孔子為禮畢不釋皮弁而
召璵璠時等九臣於西室曰朕祀先聖先師于此庶
幾朝夕敬慕而自律贊沃交修卿尚罔朕棄少選勅
曰朕告祀告聖先師于祖宗皇考祖考聖師豈不

鑒以教朕惟爾輔臣講臣其各解經書大旨一章切
于身心政事者人自獻其忠毋通聞雷言庸副朕志
除夕製闈講詩賜夏言

十年正月 上曰祖宗時三途用人取之至廣厥後
專科學之學進士遂重士浮無實而蠹國害民者比
比皆是也繼今務遵累朝之舊求得人焉辛卯始祈
穀大祀啟奉祀 太祖 太宗既祭 上諭璵曰祖
配天古也配 太宗非礼自今大報祈穀其專奉
太祖配 上問大學士璵裕大裕也今擬以歲慕裕

蕪節祭固似寔未協也四孟皆裕太祖不得居尊歲
慕裕蕪節若輕於裕也者莫若三歲舉以季冬中旬
諏日行事正旦冬至二節祭朕謂宜行內奉先殿不
宜於太廟又始祖自有自出祖當設衣冠禘之而以
德祖配天夫自出之祖雖不可考直不知耳豈無神
耶即人何嘗見鬼神無之則不必祭鬼神也朕又惟
人君父天母地與諸侯卿大夫士庶不同今歲一祀
天祭地宗廟乃五享即謂尊不敢瀆則未免疎之也
程子言古人一歲九祀天惟大報重天譏後世有三

歲一舉者今已大報於迎長祈穀于上辛而大雩大
 享尚缺或古礼當復之時卿悉心究之璵對上上
 曰太祖開運肇基不宜列于孫太廟 太祖廟也當
 南向享之 列聖生南面至為宗不得南面享終未
 稱人情卿曰歲一禘朕恐同常祀又曰大雩旱禱也
 朕意礼曰龍見而雩古人用心不見是圖恐非專為
 旱耳卿又曰大享之義為大報簡致委曲焉又曰祭
 文王朕謂皆非也古人必有意矣孟春既祈故季秋
 報之今已存祈穀之祀當亦不可無報也乃勅禮部

曰朕仰惟 太祖高皇帝重闢乾坤開基肇運德豐
 功懋不南面享不稱子孫孝敬之情 聖祖時尊
 德祖南面固當其在今日當崇 聖祖矣其以歲孟
 春行特享礼繇 太宗而下同日南面於幄之夏秋
 冬三享仍相向祫 太祖廟如今礼以季冬中旬諏
 日大祫尊德祖居尊合享 懿熙仁三祖于太廟移
 親王功臣配食兩廡下明君臣之義歸二節祭於奉
 先焉甲午告廟祧 德祖奉 太祖南面丁酉特享
 于太廟大内東偏火露告皇天祖考為火警文命天

下提學官選有學行者應歲選二月丁卯於歷代帝王文華殿戊辰耕籍祭先農封祖陵曰基運山皇陵曰翔聖山孝陵曰神烈山與天壽純德二山並從方澤祀庚辰始祀大明朝月壇三月勅禮部曰仰惟太祖高皇帝肇造洪圖克享天心必自上世之積累乃啟中夏之元聖顧追報之典未舉冲昧之懷固遂朕已躬承皇祖鑒命以茲孟夏吉恭行大禘祀始自出祖太廟奉皇祖配歲辛酉輒一舉著為制冊立九嬪告廟受賀上以皇后出蠶北郊未便欲移

內西苑并定土穀壇省耕焉乃幸西苑趣召大學士孚敬尚書時相度中官渡過太液池入見舊仁壽宮還報命昭和殿手授御製西苑賦使共和因手書賦賜三臣彙曰咏和錄上諭孚敬朕惟朝則君子嚴燕見當若家人礼朕冲昧淺世故卿可無時間見陳說計度待朕性志有定乃可以廣應接盡群下四郊皆成名西苑土穀壇曰帝社帝稷套虜合西海賊入犯莊浪至于甘肅上曰州縣親民之官今天下之廣進士僅一二往詔兼用舉貢監生吏部竟踵舊弊發

身進士者選取不必賢能舉貢十不得一監生百不
 一為人何絲自致其一體著為令庚子祭西苑帝社
 帝稷建歷代帝王廟于京師進意伯劉基侑享太廟
 四月己巳皇后蠶西苑甲子禘 皇初祖於太廟名
 南郊神版殿曰泰神殿兵工二部火 上疑吏黃緣
 燬簿書逮署兵部事左侍郎陳洪謨及武選司官詔
 獄除名為民五月丙午 上禱雨殿陞壬子夏至始
 祀地方澤六月丁巳雷震德勝門破民屋柱死者四
 人癸亥擊午門及西華門接戒百官修省御製祝文

露告于殿陞閏六月裁冗官盡罷鎮守內臣詔求劉
 基常遇春李文忠湯和節愈後爵之慧心見七月陝
 西大旱螟順天水悉蠲賑有差行人司正薛侃坐妄
 言為民太常卿彭澤以和請謫戍并令張孚敬致仕
 以夏言為禮部左侍郎鄭王貢白鵠二薦太廟八月
 癸未始祀夜明夕月壇戊戌祭帝社帝稷并安陸州
 曰承天府四川白草番平陝西摠制尚書王瓊進甘
 露薦內殿兩宮現獲幽風亭台諸臣入侍既打場上
 取穀傳覘之曰 聖祖有訓衣帛思織食粟念農粒

粒辛苦今日不特紙上見之而已九月丁卯上親祀雲雨風雷嶽鎮海瀆基運山諸神及京畿天下山川之神罷南京知祀台大學士翟鑾尚書李時左都御史汪鋐侍郎夏言等西苑仁壽宮上曰陝飢已遣戶部侍郎相以三十萬金賑之金相病誰代者時曰陝撫臣劉天和可鑾曰河南撫臣徐瓚可言曰始陝告饑今聞亦歲上曰民天民也死亡流徙若之何不揀夫吏部侍郎唐龍者何如時對曰善上曰吏部尚書缺孰可時曰諸臣之才惟陛下知之

曰雖然朕宮居焉能盡者鑾曰九卿之臣惟陛下擇焉上曰則序遷矣以問汪鋐鋐曰臣時臣言皆可時對曰臣不稱戶部尚書臣讚可上曰卿朕將有所用之戶部亦須才也朕欲用王時中於刑部王憲於兵部王瓊於吏部若何對曰善上曰其改龍兵部尚書兼左副都御史總制陝三邊代王瓊行賑政頃之以李時為大學士夏言為禮部尚書修西苑宮殿畢上曰文祖之御也為位而祭既祭賜落成之宴布席上召李時曰尚書王時中蔣瑄胡殿

外也對曰殿隘上曰其移皇親席殿西對曰國戚也上曰親親不如賢賢遂席時中珺殿內上幸西苑御無逸殿命李時翟鑾坐講無逸幽風篇遂賜宴幽風亭下曰朕將省耕而親學嘉瓜產曲周薦內殿十月改行祈穀於圜丘春神殿石座成上親行奉安神版禮罷改遷顯陵議虜寇大同真州盜周天星等平十一月召故大學士孚敬建祈嗣醮欽安殿十二月御史喻希禮言議禮議獄諸臣得罪遠戍若量移近地或赦免之則人和薰蒸胤祥自兆上曰

朕之遲胤坐罪言即讐君怨上鎮撫司其刑鞠之沙汰天下附學生員饑免被災諸郡

十一年正月辛未始行祈穀禮二月召還大學士張孚敬四月癸巳金星晝見封劉基九世孫瑜為誠意伯予世券八月河決魚臺己卯彗星見井給事中魏良弼引占書上言彗星晨見東方是君臣爭明彗孛入井奸臣在側張孚敬竊弄威權驕恣專橫妖星示異實惟所召乞亟罷免疏入報聞孚敬奏辯亦報聞于是給事中秦鏊劾孚敬強辯飾奸媚嫉愈甚不去

乎敬天意絡不可回也 上覽奏曰鰲言實出忠讜
令乎敬自陳致仕十月辛巳金星晝見于辰位編修
揚名再上疏言吏部尚書汪鉉小人之尤武定侯郭
勛奸回之性 陛下用之是聖心偏于喜也建言之
臣終于廢棄是聖心偏于怒也工作屢興所在騷然
民無寧日禱祠累舉輒信末術不惜靡費 上大怒
下鎮撫司考訊鉉奏辨謂名揚廷和同里思為報復
上益怒命寃主使名至死不承侍郎黃宗明、救名
上曰宗明即主使之者併鞫之法司再議名罪皆不

當 上特旨謫戍之宗明調外任御史郭弘化以慧
出東井必土而繁興所致請停不急之工罷搖木搖
珠之令則慧滅而前星耀矣 上怒責令對狀黜職
為民南京御史馮恩以慧再見悉疏在廷大臣行事
請黜陟大抵力排張孚敬方獻夫汪鉉薦李時夏言
可相上以其訛評藏怨德逮京治之虜掠過西海至
寧夏十一月南京右副都御史萬鍾言治天下之道
切要有效謂之實現聽徒美謂之文古去悔吝生乎
動勞費紛擾出於文者也 陛下當積德百年之期

行稽古三重之道議禮制度考文至明備已乃臣子
責難之義蒼生厚望之心則於大學所稱理用：人
詩書所稱安民講武或猶闕焉伏願輟聲容之煩飾
畧太平之虛觀回運神謩專務於此以靜制動以實
先文期吏稱民安食足兵強而後已則省事可以省
慮工足培萬壽省事可以省費不足紓萬民工大
怒謂鐘快：為不遷也黜為民四川巡撫都御史米
滄獻白免受群臣賀群臣皆獻歌賦詩頌
十二年正月獲白鹿於靈寶河南巡撫都御史吳山

以進獻廟呈兩宮受群臣賀復召故大學士孚敬三
月馮恩逮至刑部尚書王時中擬戍工怒褫時中
職侍郎聞淵以下罰謹有差恩論死繫獄三月幸太
學皇后親蠶手內苑巡撫應天都御史陳軾得白
鹿於無錫以獻上曰鵲免鹿有疊至重出者禮部
其宣示天下自今非正瑞勿復獻於是吏部尚書汪
鏗作詩三章美上謙德上褒蒼烏虜大掠宣府
永寧城四月詔天下博求曾子嫡裔襲五經博士如
顏孟二氏五月上演馬南城召大學士孚敬時獻

夫鑿同現之因看花嘉樂館還御重華殿召論時政
賜酒饌服色賦君臣同遊詩越三日復召見西苑寶
月亭駕過清馥殿示御製詩四章命立和之六月
其痛加修省八月辛未朔日有食之皇子生赦天下
上曰仁義恩威不相揜也槩寬恤非王政以大禮得
罪者奪君父以大獄得罪者殺人媚人其與馮息等
皆毋宥十月初遣武定侯勛代亨大廟建昌侯張延
齡下獄論死上考問薄昭故事馬皇子薨謚哀冲

太子大同卒再叛殺總兵李瑾閉大同城代王奔宣
府使宣大總制都御史劉源清與總兵郅永討之源
清力主勦決水灌圍城中人盡驚賊益猖獗劫囚
勾虜殺將領數十人十一月郊初命武定侯勛代十
二月虜犯寧夏總兵王效梁震大破之
十三年正月廢皇后張氏立德嬪方氏為皇后
始率皇后行謁廟禮二月上諭張孚敬曰朕病
中未嘗不念大同事叛軍殺主將於法難原顧未敢
上逆朝廷且非合城人所為也卻永信從劉源清貪

功嗜殺計訛傳洗城驚恐城中以致劫囚勾虜抗拒
既云專勤逆徒脇從不問乃又決水灌城玉石烏得
分也朕惟宣大京師北門人而無臂曷衛頭目哉此
地此民皆我祖宗所遺源清果欲城破人殲忠手
否也即幸成功後來曷興復今不老師傷財耶因奪
源清職以張瓚為兵部左侍郎兼右副都御史代之
瓚與郎中詹榮主事楚書撫定大同軍民代王還代
閏二月令禮部左侍郎黃綰往大同撫賑勘處金星
晝見自去冬十一月至于是月其明爭日五月上

御重華殿召大學士孚敬定侯勛等五人入覲祀天
青爵作紀樂同遊詩命各為奉制紀樂賦因賜五臣
扇曰與卿同涼七月南京太廟災甲子聞上曰擇
日齋沐而廟慰禮也人子赴父母變何待正衣冠其
即以丁卯詣告天遂廟慰八月勅曰太宗皇帝遷
都北京定鼎億祀即我太祖在天之靈歆顧之矣
一天下二主二廟非禮也朕惟南京廟可無重建併
入香火於奉先殿其故廟址垣之若曰奚廟於承天
將非厚親薄祖則曰不敢廢舊卽也且孝宗之建

也猶南之有奉先殿即今承天家廟亦勿廟名曰隆慶殿倣南奉先殿意焉虜吉囊大入榆林寒寧夏總兵王効延綏副總兵梁震擊却之造神御閣南內奉藏列聖御容下為石室金匱貯寶訓寶錄九月建九五齋恭默室于文華殿後為齋所十一月郊製大報歌於齋宮十二月戊申月食選淑女以備九嬪禮部請廣求之丙畿河南山東上曰本廣嗣也使者四出擾民：謂朕色荒其第選之京城內外十四年正月上諭吏部都察院曰朝覲考察國家

大典被黜者不得奏辯又不叙終身近者部院徒事詢訪人得行私相報復今考察逐其一以撫按考語科道論劾為據撫按等官有謬賢否者則卿叅奏之丙戌莊肅皇后崩二月始分建九廟重修太廟改作世廟暫奉八廟主于奉先殿獻皇帝主于崇先殿祀廟四主于太先殿上朝日改百官上陵禮春清明秋霜降者為令更定內殿祭忌去樂三月上大行皇后尊謚祔葬康陵毓德景仁二宮成定四時廟享皆以厥照行事罷脫鳥禮四月張孚敬病札諭曰惟近

古之君剪鬚療臣今朕有自驗飲子特賜卿服後告朕何如有頃孚敬力乞休許之賜勅予傳遣行人御醫伴送初薦新麥內殿賜百官麥餅壬辰始策試貢士許穀等於奉先殿以 大行皇后表也 上親賜制曰朕思首自三代未迄宋終雖世歷有久近君年有長短皆自其何如為君耳周所以久本文武積累亦繼者能持之也朕 皇祖高皇帝代天覆世重肇中華功德振古 太宗繼述草創之初 列聖遵承大定之後百有六十餘載傳之今日朕以支人冲年

承位幼弱不才多招蓄於民庶茲永思 祖宗創造萬艱惕然悚懼圖所以保洪業於無窮有陰弗替不知何以得此朕心慕之思之故進爾多士于廷爾多士可罄告朕、將親擇而勉焉已親覽次之賜韓應龍等進士及第出身有差復親試庶吉士得進士趙貞吉等三十人庚子 大行皇后主祔廟更定宗廟雅樂遼東廣寧卒亂械繫都御史呂經下獄六月減馮恩死戊之甲辰月食七月禮部臣請百官預習萬壽賀儀 上曰廟建未成 祖考未妥朕辰敢賀至

日常服御殿如朔望尚書夏言：皇上厚自貶以明老而臣子不能抑誠其日請常服御殿百官公服鴻臚寺具班首官致詞行五拜三叩頭禮許之御史曾紳戴銑論劾尚書劉龍聶賢王綖侍郎張雲陳璋甘為霖國子監祭酒吳憲太常寺卿洗光右都御史趙載請罷之下吏部覆尚書汪鏞皆議留上譙鏞曰安得此相譽是閣官人亦阻直言因名大學士時面論之上謂龍誠人也其才鈍賢衰矣宦成怠璋光皆老矣綖介而不通雲愿人也為霖才人也惠無華

國之文不如案也載有才無過因分別去留而奪鏞俸一月御史曾銑平廣寧亂卒召費宏為大學士八月見費宏又華殿西室賜銀圖書一命盡心入告命雲貴自開科取士甲辰祭夜明上召費宏無逸殿東室曰朕取稼穡艱難之意構茲殿今日召卿庶幾君臣同遊盛美因田恤民朕志也今四郊七廟兩宮工作皆以奉天奉祖奉親非得已者時三邊缺摠制宏薦姚鏞可任上即內降召鏞復諭宏恤民在用賢自後吏部推選不當者宜明言之以佐朕知之

所不逮 上既責汪鉉因數與輔臣言鉉詭倭不稱
 至是給事中薛宗愷御史曾紳等十人交章劾鉉
 上念國體持其疏不下使輔臣風鉉去鉉去乃不責
 宗愷紳負君不先言乘閑探意命鎮撫司考訊之杖
 于門削籍為民其餘皆降調因問科道官汪鉉去誰
 可冢宰者各舉所知一人聞率不能置對第請自
 上裁 上怒曰言官朝廷耳目所望廣聰明防壅蔽
 糾官邪者也近來何權畏勢忘義員君即汪鉉小人
 朕又識之矣直以未至大惡姑優待之近與二三大

臣論及爾等遂竊探乘機至今推舉又疑忌不置對
 奚以言官為逐褫其長官職皆為民餘切責之十一
 月壬申月食己卯却 上曰兩京祭酒也今其
 廷推著為令十二月田州土目盧蕪殺本州州判岑
 邦相以叛湖廣九溪蠻諸處峒賦平
 十五年正月丁巳朔 上朝以宗廟未成簡朝礼三
 月加致一真人印元節道號製正二品朝祭等冠服
 如文官并玉帶賜之 上諭夏言朕將謁陵天壽山
 且預作山陵為言對預山陵重事也請遣欽天監官

相兆得兆以報然後併修謁禮焉 工曰作陵而謁
陵不敬其先修顛謁礼相兆得兆朕乃復視之又朕
欲一如西山拜 宣廟廢后 景皇帝二陵也其山
陵預建量做長陵之規重加抑殺紙衣瓦棺朕恒念
之丙子奉 皇太后率 皇后謁七陵擇陵域十八
道嶺見官吏書生父老昌平州復稅糧三之一轉祭
二陵西山泛舟西湖還 四月 上諭輔臣時曰朕之
不德遽自圖以勞百姓朕心愧惧預山陵可勅問臣
民許我否勅降百官耆民合辭請乃從之作武學立

講武殿以脩大閱丙申大禘于太廟甲辰幸天壽山
告修七陵預建山陵于諸陵更名十八道嶺曰陽翠
視景陵曰庫隘弗稱我 皇祖功德拓崇之五月
上諭李時曰君臣宴樂泰交也少則踈過則馳其與
尚書言考 太祖 太宗時賜宴礼朕將以端午日
宴至期宴百官奉天殿宴畢汎舟西苑特命武定侯
勛學士時尚書言等從使舟夾于龍舟歸宴于無逸
曰以酬卿等山中扈蹕之勞三臣稱觴上壽盡歡罷
殿大善佛殿改建 皇太后宮夏言請痊佛骨於中

野上曰瘞中野將未豈無竊發以惑愚衆其火之通衢永涂之凡燔萬三千餘斤製天子武陣及大武龍威冠更作寶璽車輅再召大學士張孚敬六月西苑清虛殿鑿戒亭成從黃綰勘處大同議斤劉源清為民七月重錄寶訓寶錄改神御閣為皇史宬專藏之別飾景神殿以奉列聖御容八月以宗廟未成減賀萬壽禮虜先後入涼州莊浪搃兵王輔姜夔兩破之論功有差九月上親定預告來歲祀期禮改四孟時烹以四立日罷孟冬陵祭癸酉癸七陵丁丑還

京改謚 悼靈皇后十月皇子生 上祭南郊詔天下及朝鮮安南二國群臣方請賀地震 上曰朕惧上天賀已之其修省三日而靈告遷祔 孝肅孝穆孝惠三皇后主於裕陵殿去 睿純二宗廟號以別嫡庶正夫婦之紀焉遂奉慰裕茂二陵更定世廟曰獻皇帝之廟建先後刑官之寬張延齡獄者十一月宣大延寧皆有警復宣大總制更名總督虜大掠山西以安南久不廷議征之加謚 武宗皇后十二月宗廟成奉 太祖主於故太廟 太宗列聖於新廟

修內奉先殿大修金錄醮于玄極寶殿七晝夜以謝
 儲祥以大臣為上香監禮迎詞導引等使如舊閏十
 二月廢后張氏薨以宗廟成加上兩宮徽號詔曰王
 者之政莫不先祀典謂大事在事與戎也朕以冲愚
 宗末叨簡上帝俾嗣天位每念于茲切興長嘆柰何
 聖賢緒墮經傳多舛郊祀襲合祭屋下之文廟享沿
 異同堂之制褻瀆之甚謂比同卑功德不別太祖
 莫尊朕用祇聞于皇天默卜于皇祖親簡忠賢與
 之同力首建四郊正天地之位明陰陽之分劄昭穆

群廟以祀祖宗彰太宗為常尊之主復作太
 宗廟于群廟之外表祖功宗德之不遷以饗百世更
 皇考廟曰獻皇帝廟別擇吉區以避渠水大工悉成
 遂定五歲大禘禮于太廟以祀皇祖奉太祖配
 之歲以立春日特享祖宗之廟夏秋冬皆合享于
 太祖季冬天禘于太廟皇考廟則歲僅四祭避豐
 彌烏奉安既備卹典將軍先致孝于茲闡庶伸誠于
 璇闕恭上兩宮徽號曰昭聖恭安康惠慈壽皇太
 后章聖慈仁康靜貞壽皇太后慶禮既成推恩宜

逮條布于後主者尊承復岷王彥汰爵以夏言為大學士虜大入延綏搃兵王效白爵大破之以皇嗣生錄印元節禱祀功加授禮部尚書給文官一品服俸十六年正月癸卯皇三子生杜康妃出二月赦諸臣適戍者百四十人惟馬錄呂經馮恩揚慎王元正劉濟豐熙印經邦不與癸酉清明節奉皇太后上陵朝諸臣於蹕所兵部尚書張瓚蟒而入上諭夏言尚書二品何自服蟒卿面問瓚曾賜未也科道官目見否言對飛魚也類蟒上怒曰曷為組兩角乘

輿下問大臣不敬忌乃面叱若朕未見者禮拜不首糾皆罰其俸有差乃下諭禮部曰張瓚通敏之才原出朕簡詰責誤服者非罪其人以禁僭也其令盡心贊兵戎毋有所忌甲申還京從武定候勛請從祀其祖英太廟虜大掠甘州丙午幸金山視建行宮是日宿沙河丁未駐蹕河視文皇帝行宮遺址命復建之無廢前規增城守焉以壯北門四月癸丑還京征安南起右都御史毛伯溫制中命之兵部左侍郎潘珍諫褫其官大同搃兵梁震破虜宣寧灣五月上

曰安南不庭當征今聞其臣莫登庸篡殺國中逆朝
貢白溫且止總督兩廣從彼中便宜撫勦之雷火謹
身殿鵠吻上曰天戒謹身致招在朕其與百官修
省露奏上天諸大臣毋自陳以內外宮殿工財不足
開贖罪例六月貴州土苗王聰據凱口叛討之新作
養心殿成七月溼王祐禔薨以水免隨沔漢陽三州
縣稅糧命撫臣賑之暫停沙河行宮工以待豐年八
月以莫登庸篡復議征安南九月禱聖母疾于太
廟社稷山川應天主司諭德江汝壁洗馬歐陽衢坐

試士策目譏訕繫謫之凱口苗平十月以鳳陽諸府
災蠲其稅糧賑之十一月新作崇德殿成十二月以
陵工稽緩革工部尚書甘為霖職下郎中仁錦衣考
訊
十七年二月祈皇太后壽于玄極殿新作山陵行
宮成辛未上陵壬申還京師三月巡按福建御史李
元陽進甘露九竈謝玄極殿薦宗廟奉兩宮頌賜諸
大臣詔咸寧侯仇鸞佩征西將軍印充總兵官征安
南以毛伯溫為兵部尚書兼副都御史贊其軍四月

自正月不雨至于是月命有司虔禱卹流民上曰
旱既太甚聞近郊小民有踣斃者朕心加憂朕處人
工罪在朕躬即與卿三月齋朕服罷屠將親雩焉甲
子雩丁卯默禱于宮中三月戊辰雨五月分武舉科
邊方腹裏南方為三等徵王冕莊田者與佃戶訟尚
書梁材請令有司賦田稅於王王勿有所與徵王不
從請如故上許之材報不與上怒降為右侍郎
閑住侍郎唐胄等皆奪俸下郎中王宗濬鎮撫司鞫
治之六月新作二宮成奉居昭聖皇太后曰慈慶

章聖皇太后曰慈寧故通州同知豐坊請復古禮建
明堂加尊獻皇考廟號稱宗以配上帝下群臣議
群臣言季秋享帝于明堂古禮也有以世遞配者有
以祖宗功德配者國家功德則太宗也世則獻
皇帝若夫稱宗則必祔廟此惟有天下者當之恐不
可上再下群臣議戶部左侍郎唐胄疏爭上怒
下錦衣考訊斥為民群臣議上請以皇考配明堂
如坊指因言太宗繼統首屆享帝祀天不可少一
配請奉配祈穀如初庶幾不豐稱者上報聞復以

群臣議不及稱宗命再議群臣上言 皇考至德升
聞本支奕葉宗德宗世無不可請加宗配帝永奉為
不遷之廟 上曰不遷之廟猶非祔太廟也乃為明
堂或問示群臣猶稱 獻皇帝曰宗祔於 孝宗之
廟群臣若尊 太宗者當與 高皇帝並稱祖若漢
高光二祖群臣皆曰是既視孝廟隘不足祔乃仍
皇考特廟祔則奉主太廟與 孝宗同為昭七月採
河南雲南礦八月虜酋古囊犯河南提督劉天和署
將卒敗之衡王祐揮薨九月己卯告大享南郊辛巳

上 文皇帝廟號曰成祖 獻皇帝廟號曰睿宗祔

于太廟主于舊寢享之日蔬交如虹龍 上喜製福

瑞賦丙戌視大享牲郊壇辛卯大享上帝于玄極寶

殿擬諸明堂而奉 睿宗配詔天下丙申秋祭山陵

丁卯還京十月立冬祔 上曰敬鑄 成祖新號于

長陵碑也而不忍琢傷 昭皇帝故建碑其鍍木加

碑上群臣曰善請如式以大享停裏八府刑乙卯月

食初將大享有雲祥 上心甚喜而礼臣不知也及

從陵上還與近臣言之礼部尚書嚴嵩遂請奏告郊

廟受群臣賀 上曰工穹眷朕敢不敬承爾諫不知朕問乃因請也朕自默報眷于朕心不許固請許之上曰朕以支服大冢天眷嗣主華夷十復七載一政無為獨懷大造之仁祖本之重思仰酬之也乃以甲子躬謝景雲于玄極寶殿遂以是日詣告于南郊將以來月朔日加工帝及高皇后尊號乙丑群臣賀景雲各為卿雲賦頌以獻十一月辛未朔恭上皇天上帝大號禮成遂上尊號於高皇后辛卯冬至大祀于圜丘還御奉天殿群臣行慶成禮詔天

下禮科給事中顧存仁請以大禮告成宥謫戍馬錄揚慎呂經馮恩諸人 上怒廷杖之編發口外十二月癸卯 章聖皇太后崩命駙馬都尉崔元兵部尚書張璠起逆顯陵梓宮將作陵天壽山之峪合葬焉壬子車駕視大峪御史陳讓請毋遷顯陵各於其處異葬 上怒默為民甲寅興大峪工駕還京亡何上思維遲疑擬奉慈宮南祔而將親之因止元等毋行礼部言大行皇后服制 上曰朕志念不副歆服三年喪弗克也今既曰日易月無有不知無有不

見非虛文矣吉典既行郊社大事所不敢廢慶賞刑威亦無虛日可謂舉喪乎今更不必姑息報父母直以其情庶不旁牽蔓引耳雖山陵未就亦實不是古人未葬時百事皆暇之矣况父在極子嗣位率全吉何疑於事天朕謂郊宜服吉作樂宗廟則否服用青淺色燕居服黑布至喪次仍素直候奉引安陵乃用始服之服以終之夫郊吉尊也廟否親也朕損益如此爾禮官與群臣議行之否即曰否群臣皆曰是丙寅上大行皇后尊謚

十八年正月 上諭閣臣曰朕居喪理疾閱禮記諸篇喪儀多錯出天子儀亦不具我皇祖所定殊未有全文遇大喪草仍草創卿等試與禮官自初喪除服祭及葬具考訂圖釋編緝成書俸朕覽焉立春特享于太廟勅禮部曰孝子事親送終為大矧陵寢體鬼攸居心安于允藏顯陵規制狹溢雖嘗增修多未脩朕將躬詣陵下與諸大臣周閱山川更卜吉兆重建玄宮以安 皇考皇妣其奏告天地宗廟徧于群神以祇薦皇天上帝大號進封武定候郭勛為朔國

公加大學士夏言持進光祿大夫工柱國少師其餘
遷叙有差二月庚子朔立皇太子冊封三子為裕王
四子為景王其日卿雲見奏謝工天玄極寶殿鑄嘉
靖通寶錢改行祈穀子玄極寶殿不奉配官曾子六
十代孫質粹為翰林院五經博士子世襲群臣諫幸
承天工曰朕空行批為吾母耳乃命皇太子監
國以宣城伯鐸遂安伯聽為留守使大學士昂臣為
同留守使起大學士翟鑾為巡邊使行九邊乙卯發
京師製述懷詩辛酉望于北嶽癸亥至趙州批聲冤

者於行宮之外命分列前後陣捕治衡與不整者乙
丑以太牢遣祀周文王少牢諭祭臬岳飛于湯陰丙
寅遣祭于濟瀆丁卯見汝王衛揮上勞曰叔父避
坐而受朝夜行宮火錦衣衛指揮陸炳負上出火
內官官婢焚死者數十人法物寶器殿執撫按方面
有司戮之於承天三月己巳朔祭大河而渡遣祭漢
紀信於滎澤辛未望中嶽賜解勞劑於從官癸酉遣
祭漢光武於裕州諸葛亮於南陽晉羊祜於襄陽祭
武當之神於均戊寅至承天庚辰宿舊邸遂謁皇

考隆慶殿辛巳上誓群臣龍飛殿三日齋遂謁于顯陵降稽首于陵門騎而登陵山表于陵北命改營為製謁陵山詩壬午增陵垣遂定式新玄宮甲申享上帝龍飛殿奉皇考配上親製樂章遂祀于國社國稷及境內山川河瀆編于群祀祭告于顯陵上悲思瞻顧製再謁顯陵詩丙戌朝楚王于承天封陶典真為神霄保國宣教高士勅工部左侍郎顧璘董新宮戊子詔天下免承天府田租三歲湖廣一歲五之一直隸河南三之一名承天父老子弟賜酒食

諭教之庚寅告辭隆慶殿壬辰駕還製思親賦四月己亥次滎澤賑鄭均饑民御史謝少南請表堯母墓於慶都是時上又思仍皇考顯陵異築慈宮于大峪覽少南疏嘉之曰夫帝堯父母乃異陵即改為左春坊右司直彗星見壬子還京辛酉奏謝皇天太廟及于睿廟遣告群廟百神受群臣賀金星晝見乙丑上復視于大峪曰不如顯陵山其決奉慈宮南矣遂還京五月改荊州左衛曰顯陵衛置官軍護陵建興都留守司設正副留守更定忌祭禮以奏覽遲

慢革復言勲階使致仕尋復之禮部以星變未減請
下百官修省 上曰天下不一垂星異適今多事固
不得精禱朕心自省過內外有司宜深思痛改亦不
必外貶服飾為虛畏者諸鎮守內官其盡數召還永
無遣之甲申 獻皇后梓宮發引百官步送朝陽門
命顧鼎臣題主于通州乙酉主入 上率 皇后哀
而迎哭午門內奉安于几筵工部左侍郎璘言 陛
下幸承天念舊邦父老子弟詔免田租諭教之父老
子弟叩頭要臣請刻勒詔論碑於承天城上用對揚

殊美昭示于無極意不可拒臣請榜承天城之陽春
接曰違孝以推廣父老子弟意 上曰朕不孝人也
父老子弟既有請其加題曰顯親六月雷震奉先殿
七月御著大狩龍飛錄閏七月合葬 獻皇帝后于
顯陵新寢仍命仇鸞毛伯溫征安南真人節元節卒
上遣內臣祭賚賜贈謚有加遼東軍復亂搃兵馬永
定之廣西搃兵官安遠候柳珣兵部右侍郎蔡經復
平斷藤峽盜虜大入宣府塞叅將賈英禦之敗績八
月祔 獻皇后主於 睿宗廟大享玄極殿建皇穹

字于園丘以奉上帝神版益王祐擯薨九月乙未朔
日有食之上曰昔我皇祖歲舉大醮祈謝天地
神祇以為民也即真人沒此典不可曠其進封陶典
真神霄保國弘烈宣教振法通真忠孝秉一真人領
道教事摠宮觀住持知道錄事推恩其父母妻其法
孫陳善道加清微闡教崇真衛道高士兼三宮住持
吏禮二部趣如旨十一月虜入宣府破西羊城堡轉
入榆林塞殺守將宋隆詔逮總兵江桓下獄
十九年正月甲午朔上初不朝壬寅拜天玄極殿

乃朝二月建宮祈醮三月丁丑月食湖廣清軍御史
虞言承天修建饑民自勛襄河南來就募者不下萬
計無所盡得役屯聚受餓積屍載途或捐鬻妻子或
掘剝草木飄零風雪垣墉間臣掩鼻酸心謹郊鄭俠
繪圖以獻下戶部發卹縣倉給之罷武舉鄉試復許
日本貢三月癸巳朔日有食之修西苑仁壽宮戶科
言作慈慶宮費四十二萬有奇四年未就一號殿等
三殿費十五萬有奇三年未就皇穹宇費十萬有奇
一年未就物不可令誦力不可令盡乞暫罷之上

怒曰諸工稽久不以糾正是費幾何而輒瀆擾虜入
榆林塞破青平堡入米脂復入宣府破北路馬路諸
堡皆大殺掠去乙未申刻黃霧四塞隨變紅赤色暴
風壞文德長安二坊西長安中門探本木鎖皆斷
上曰風霾之變天三愛我矣占書曰兵喪火今西北
邊最急兵部集議所以備之四月不雨庚寅上祈宮
中癸巳雨大學士言等賀五月建雷殿復建雷壇於
黃州黃州者陶典真里也六月郭勛以宮殿工繁役
不足籍外班軍金與兵部遊上軍布花折糧金行募

而請給糧於募工之卒戶部尚書梁材執不與勛以
奏先是上欲取龍涎香材寢不進曰訓典無載焉
至是上怒曰材屢沽名為詐忠令冠帶聞住工部
尚書溫仁和等言內外大工宮則慈寧慈慶景陽仁
壽諸陵離宮沙河離宮及方中壽宮殿則奉先三殿
謹身欽安宇則皇穹壇則皇穹廚庫則神厨神庫樓
則麗譙陵則六陵碑則六聖景皇帝碑墳則頽薊
戚均諸王端德諸妃嬪二三歲間共費白金六百三
十四萬七千八百有奇承天所請又百七十餘萬各

衙門修建復日督發帑藏已竭來者不繼開納久懸
應者漸稀欲一切工費盡出臣部何異掬蹄涉沃龜
坵也乞一意急大工修建衙門且停止之 上命會
戶兵二部議處三部言今內外工投二十有三所承
天復十餘所費靡矣事有權宜時有緩急惟聖明裁
焉 上曰朝廷興作皆舊典所未及與為民事神弗
獲已者所司不竭忠奉公虛冒相象詔書下趣乃云
糜費其再議 上乃命暫罷可已者七月皇穹宇成
陞官匠郭文英為通政使徐杲為太僕寺丞丞盜出

江陰掠漕舟於孟瀆設江淮總兵官虜大入宣府掠
至蔚摠兵白爵副摠兵雲冒兩戰皆敗績八月萬壽
節建三晝夜醮告天玄極殿郭勛以方士段朝用見
曰能化物為金銀因以所化銀器進是時工建繁興
帑藏告訖 上兩歲病亦思方外事見朝用大悅之
曰僊術出世天賜也捨之非所以承天因授朝用紫
府宣忠高士荐其器於太廟命曰僊器加勛祿歲百
石於是 上曰疾命東宮權監國少解一二歲親政
如初諸大臣爭太僕寺卿楊最上疏切諫 上大怒

逮扶闕廷斃之虜入大同大掠太原諸處九月以安
遠侯柳珣掛征夷將軍印代仇鸞議處安南事十一
月上疾冬至却金星晝見 上曰往昔疾甚今稍
愈祭祀醫藥有功焉秉一真人典真叩禱精誠禮部
左侍郎紳脉藥多效其加典真少保禮部尚書陸紳
工部尚書虜入延綏大掠固原總督尚書劉天和檄
總兵周尚文大破之殺其王子斬首四百餘級 上
悅加天和勳階予蔭餘叙功有差十二月虜入大同
塞春坊贊善羅洪先司諫唐順之司經局校書趙時

春請以求歲元賀見 皇太子於群臣 上不悅曰
吾其傳也乃降旨曰朕生楚中南氣軟懦自十三年
春病咳聖母憂朕朕因病求生宮中靜揖然尚親諸
事自前冬隆寒執哀近又得疾豈可不自愛朕嗣位
且二十年不敢一旦不敬洪先等遂欲儲貳臨朝是
必君父不能起者狂躁不道其姑黜為民

